

ओं नमः परमात्मने, श्री महागणपतये नमः
श्री गुरुभ्यो नमः
हरिः ओं

कृष्ण यजुर्वेदीय तैत्तिरीय संहिता क्रम पाठः

तृतीय काण्डे – तृतीय प्रश्नः

Table of Contents

3. कृष्ण यजुर्वेदीय तैत्तिरीय संहिता क्रम पाठः..... 3
3.3 तृतीय काण्डे तृतीय प्रश्नः – वैकृतविधीनामभिधानं 3

=====

ओं नमः परमात्मने, श्री महागणपतये नमः

श्री गुरुभ्यो नमः, हरिः ओं

3. कृष्ण यजुर्वेदीय तैत्तिरीय संहिता क्रम पाठः

3.3 तृतीय काण्डे तृतीय प्रश्नः - वैकृतविधीनामभिधानं

T.S.3.3.1.1 - Kramam

अग्ने॑ तेज॑स्विन् । ते॒ज॒स्विन् ते॒ज॒स्वी । ते॒ज॒स्वी त्वम् । त्वम् दे॒वेषु॑ ।
दे॒वेषु॑ भूयाः । भू॒यास्तेज॑स्वन्तम् । तेज॑स्वन्तम् माम् । मामा॑युष्मन्तम् ।
आ॒युष्मन्तं॑ वर्च॑स्वन्तम् । वर्च॑स्वन्तम् म॒नुष्येषु॑ । म॒नुष्येषु॑ कुरु ।
कुरु॑ दी॒क्षायै॑ ॥ दी॒क्षायै॑ च । च॒ त्वा । त्वा॒ तप॑सः । तप॑सश्च ।
च॒ तेज॑से । तेज॑से जुहोमि । जुहो॑मि तेजो॑वित् । तेजो॑विद॑सि ।
तेजो॑विदिति॑ तेजः - वित् । अ॒सि तेजः॑ । तेजो॑ मा । मा॒ मा ।
मा हा॑सीत् । हा॒सीन् मा । मा ऽहम् । अ॒हम् तेजः॑ । तेजो॑ हासिषम् ।
हासि॑षम् मा । मा॒ माम् । माम् तेजः॑ । तेजो॑ हासीत् । हा॒सीदिन्द्र॑ ।
इन्द्रो॑जस्विन् । ओ॒ज॒स्विन्नो॒ज॒स्वी । ओ॒ज॒स्वी त्वम् । त्वम् दे॒वेषु॑ ।
दे॒वेषु॑ भूयाः । भू॒या ओज॑स्वन्तम् । ओज॑स्वन्तम् माम् ।
मामा॑युष्मन्तम् । आ॒युष्मन्तं॑ वर्च॑स्वन्तम् । वर्च॑स्वन्तम् म॒नुष्येषु॑ ।

मनु॒ष्येषु॑ कुरु । कु॒रु ब्र॒ह्मणः॑ । ब्र॒ह्मणश्च॑ । च॒ त्वा । त्वा॒ क्ष॒त्रस्य॑ ।
क्ष॒त्रस्य॑ च । चौ॒जसे॑ । 1 (50/51)

T.S.3.3.1.2 - Kramam

ओ॒जसे॑ जु॒होमि॑ । जु॒हो॒म्यो॒जो॒वित् । ओ॒जो॒वि॒दसि॑ ।
ओ॒जो॒वि॒दित्यो॑जः - वि॒त् । अ॒स्यो॒जः । ओ॒जो॒ मा । मा॒ मा ।
मा॒ हा॒सीत् । हा॒सीन् मा॑ । मा॒ ऽहम् । अ॒हमो॑जः । ओ॒जो॒ हा॒सिषम्॑ ।
हा॒सिषम्॑ मा॒ । मा॒ माम् । मा॒मो॑जः । ओ॒जो॒ हा॒सीत् । हा॒सी॒थ् सूर्य॑ ।
सूर्य॑ भ्रा॒जस्वि॑न् । भ्रा॒जस्वि॑न् भ्रा॒जस्वी॑ । भ्रा॒जस्वी॑ त्वम् ।
त्वम् दे॒वेषु॑ । दे॒वेषु॑ भू॒याः । भू॒या भ्रा॑जस्वन्तम् । भ्रा॑जस्वन्तम् माम् ।
मा॒मायु॑ष्मन्तम् । आ॒युष्मन्तं॑ व॒र्चस्व॑न्तम् । व॒र्चस्व॑न्तम् मनु॒ष्येषु॑ ।
मनु॒ष्येषु॑ कुरु । कु॒रु वा॒योः । वा॒योश्च॑ । च॒ त्वा । त्वा॒ ऽपाम् ।
अ॒पाम् च॑ । च॒ भ्रा॑जसे । भ्रा॑जसे जु॒होमि॑ । जु॒होमि॑ सु॒वर्वित्॑ ।
सु॒वर्वि॑दसि । सु॒वर्वि॑दिति सु॒वः - वि॒त् । अ॒सि सु॒वः । सु॒वर् मा॑ ।
मा॒ मा॑ । मा॒ हा॒सीत् । हा॒सीन् मा॑ । मा॒ ऽहम् । अ॒ह॒ सु॒वः ।
सु॒वर् हा॒सिषम्॑ । हा॒सिषम्॑ मा॒ । मा॒ माम् । मा॒ सु॒वः ।
सु॒वर् हा॒सीत् । हा॒सीन् म॒यि () । म॒यि मे॒धाम् । मे॒धाम् म॒यि ।

मयि॑ प्र॒जाम् । प्र॒जाम् मयि॑ । प्र॒जामि॑ति प्र - जाम् । मय्य॒ग्निः ।
 अ॒ग्निस्तेजः॑ । तेजो॑ दधातु । दधातु॑ मयि॑ । मयि॑ मे॒धाम् । मे॒धाम्
 मयि॑ । मयि॑ प्र॒जाम् । प्र॒जाम् मयि॑ । प्र॒जामि॑ति प्र-जाम् । मयीन्द्रः॑ ।
 इन्द्र॑ इन्द्रि॒यम् । इन्द्रि॒यम् दधातु॑ । दधातु॑ मयि॑ । मयि॑ मे॒धाम् ।
 मे॒धाम् मयि॑ । मयि॑ प्र॒जाम् । प्र॒जाम् मयि॑ । प्र॒जामि॑ति प्र - जाम् ।
 मयि॑ सूर्यः॑ । सूर्यो॑ भ्राजः । भ्राजो॑ दधातु । दधात्विति॑ दधातु ॥ 2

(73/78) (क्षत्रस्य च - मयि - त्रयोविंशतिश्च) (A1)

T.S.3.3.2.1 - Kramam

वायुर्. हिङ्कर्ता॑ । हिङ्कर्ता॑ ऽग्निः । हिङ्कर्तेति॑ हिं - कर्ता ।
 अ॒ग्निः प्र॒स्तोता॑ । प्र॒स्तोता॑ प्र॒जाप॑तिः । प्र॒स्तोतेति॑ प्र - स्तोता ।
 प्र॒जाप॑तिः साम् । प्र॒जाप॑तिरिति॑ प्रजा - पतिः । साम् बृहस्पतिः॑ ।
 बृहस्पतिरुद्गाता॑ । उद्गाता॑ विश्वे॑ ॥ उद्गातेत्युत् - गाता । विश्वे॑ देवाः ।
 देवा॑ उपगातारः । उपगातारो॑ मरुतः । उपगातार॑ इत्युप - गातारः ।
 मरुतः॑ प्रतिहर्तारः । प्रतिहर्तार॑ इन्द्रः । प्रतिहर्तार॑ इति॑ प्रति-हर्तारः ।
 इन्द्रो॑ निधनम् ॥ निधनम्॑ ते । निधनमिति॑ नि - धनम् ॥ ते देवाः ।
 देवाः प्राणभृतः॑ । प्राणभृतः॑ प्राणम् । प्राणभृत॑ इति॑ प्राण - भृतः ।

प्राणम् मयि । प्राणमिति प्र - अनम् । मयि दधतु । दधत्वेतत् ।
 एतद् वै । वै सर्वम् । सर्वमद्ध्वर्युः । अद्ध्वर्युरुपाकुर्वन् ।
 उपाकुर्वन्नुद्गातृभ्यः । उपाकुर्वन्नित्युप - आकुर्वन् । उद्गातृभ्य
 उपाकरोति । उद्गातृभ्य इत्युद्गातृ - भ्यः । उपाकरोति ते ।
 उपाकरोतीत्युप - आकरोति । ते देवाः । देवाः प्राणभृतः ।
 प्राणभृतः प्राणम् । प्राणभृत इति प्राण - भृतः । प्राणम् मयि ।
 प्राणमिति प्र - अनम् । मयि दधतु । दधत्विति । इत्याह । आहैतत् ।
 एतदेव । एव सर्वम् । सर्वमात्मन् । आत्मन् धत्ते । धत्त इडा ।
 इडा देवहूः । देवहूर् मनुः । देवहूरिति देव - हूः । मनुर् यज्ञनीः ।
 यज्ञनीर् बृहस्पतिः । यज्ञनीरिति यज्ञ-नीः । बृहस्पतिरुक्थामदानि ।
 उक्थामदानि श्ँसिषत् । उक्थामदानीत्युक्थ - मदानि ।
 श्ँसिषद् विश्वे । विश्वे देवाः () । देवाः सूक्तवाचः । 3 (50/67)

T.S.3.3.2.2 - Kramam

सूक्तवाचः पृथिवि । सूक्तवाच इति सूक्त - वाचः । पृथिवि मातः ।
 मातर् मा । मा मा । मा हिँसीः । हिँसीर् मधु । मधु मनिष्ये ।

तृतीय काण्डे - तृतीय प्रश्नः - (TS 3.3)

म॒नि॒ष्ये॒ म॒धु॑ । म॒धु॑ ज॒नि॒ष्ये॒ । ज॒नि॒ष्ये॒ म॒धु॑ । म॒धु॑ व॒क्ष्या॑मि । व॒क्ष्या॑मि
म॒धु॑ । म॒धु॑ व॒दि॒ष्या॑मि । व॒दि॒ष्या॑मि म॒धु॑म॒ती॑म् । म॒धु॑म॒ती॑म् दे॒वे॒भ्यः॑ ।
म॒धु॑म॒ती॑मि॒ति॒ म॒धु॑ - म॒ती॑म् । दे॒वे॒भ्यो॑ वा॒चम्॑ ॥ वा॒च॑मु॒द्या॑सम् ।
उ॒द्या॑स॒ꣳ शु॒श्रू॑षे॒ण्याम्॑ ॥ शु॒श्रू॑षे॒ण्याम्॑ म॒नु॒ष्ये॑भ्यः । म॒नु॒ष्ये॑भ्य॒स्तम्॑ ।
तम् मा॑ । मा॒ दे॒वाः॑ । दे॒वा॑ अ॒वन्तु॑ । अ॒वन्तु॑ शो॒भा॒यै॑ ॥ शो॒भा॒यै॑ पि॒तरः॑ ।
पि॒तरो॑ ऽनु॑ । अ॒नु॑म॒दन्तु॑ । म॒द॒न्त्वि॑ति॒ म॒दन्तु॑ ॥ 4 (28/30)

(श॒ꣳसि॒षद् विश्वे॑ दे॒वा - अ॒ष्टा॒वि॒ꣳश॒तिश्च॑) (A2)

T.S.3.3.3.1 - Kramam

व॒स॒व॒स्त्वा॑ । त्वा॒ प्र॑ । प्र॒ वृ॒हन्तु॑ । वृ॒हन्तु॑ गा॒य॒त्रेण॑ । गा॒य॒त्रेण॑ छ॒न्द॒सा॑ ।
छ॒न्द॒सा॑ ऽग्नेः॑ । अ॒ग्नेः॑ प्रि॒यम्॑ । प्रि॒यम्॑ पा॒थः॑ । पा॒थ॑ उप॑ । उपे॒हि॑ ।
इ॒हि॑ रु॒द्राः॑ ॥ रु॒द्रा॒स्त्वा॑ । त्वा॒ प्र॑ । प्र॒ वृ॒हन्तु॑ । वृ॒हन्तु॑ त्रै॒ष्टु॒भेन॑ । त्रै॒ष्टु॒भेन॑
छ॒न्द॒सा॑ । छ॒न्द॒से॒न्द्र॒स्य॑ । इ॒न्द्र॒स्य॑ प्रि॒यम्॑ । प्रि॒यम्॑ पा॒थः॑ । पा॒थ॑ उप॑ ।
उपे॒हि॑ । इ॒ह्या॒दि॒त्याः॑ ॥ आ॒दि॒त्या॒स्त्वा॑ । त्वा॒ प्र॑ । प्र॒ वृ॒हन्तु॑ । वृ॒हन्तु॑
जा॒ग॒तेन॑ । जा॒ग॒तेन॑ छ॒न्द॒सा॑ । छ॒न्द॒सा॑ वि॒श्वे॑षाम् । वि॒श्वे॑षाम् दे॒वाना॑म् ।
दे॒वाना॑म् प्रि॒यम्॑ । प्रि॒यम्॑ पा॒थः॑ । पा॒थ॑ उप॑ । उपे॒हि॑ । इ॒हि॑ मा॒न्दा॑सु ।
मा॒न्दा॑सु ते । ते शु॒क्र॑ । शु॒क्र॑ शु॒क्रम्॑ । शु॒क्र॑मा॑ । आ धू॒नो॑मि ।

धू॒नो॒मि॒ भ॒न्द॒ना॒सु॒ । भ॒न्द॒ना॒सु॒ को॒त॒ना॒सु॒ । को॒त॒ना॒सु॒ नू॒त॒ना॒सु॒ ।
 नू॒त॒ना॒सु॒ रे॒शी॒षु॒ । रे॒शी॒षु॒ मे॒षी॒षु॒ । मे॒षी॒षु॒ वा॒शी॒षु॒ ।
 वा॒शी॒षु॒ वि॒श्व॒भृ॒त्सु॒ । वि॒श्व॒भृ॒त्सु॒ मा॒द॒ध्वी॒षु॒ । वि॒श्व॒भृ॒त्स्वि॒त्ति॒
 वि॒श्व॒भृ॒त् - सु॒ । मा॒द॒ध्वी॒षु॒ क॒कु॒हा॒सु॒ । क॒कु॒हा॒सु॒ श॒क्व॒री॒षु॒ ।
 श॒क्व॒री॒षु॒ शु॒क्रा॒सु॒ । 5 (50/51)

T.S.3.3.3.2 - Kramam

शु॒क्रा॒सु॒ ते॒ । ते॒ शु॒क्र॒ । शु॒क्र॒ शु॒क्र॒म् । शु॒क्र॒मा॒ । आ॒ धू॒नो॒मि॒ ।
 धू॒नो॒मि॒ शु॒क्र॒म् । शु॒क्र॒म् ते॒ । ते॒ शु॒क्रे॒ण॑ । शु॒क्रे॒ण॑ गृ॒ह्णामि॑ ।
 गृ॒ह्णाम्य॒हः॑ । अ॒हो॑ रू॒पे॒ण॑ । रू॒पे॒ण॑ सू॒र्य॑स्य । सू॒र्य॑स्य र॒श्मि॒भिः॑ ।
 र॒श्मि॒भिरि॑ति र॒श्मि॒ - भिः॑ ॥ आ॒ ऽस्मि॑न् । अ॒स्मि॑न्नु॒ग्राः॑ ।
 उ॒ग्रा॑ अ॒चु॒च्य॒वुः॑ । अ॒चु॒च्य॒वुर् दि॒वः॑ । दि॒वो॑ धा॒राः॑ । धा॒रा॑ अ॒सश्च॑त ।
 अ॒सश्च॑ते॒त्य॒सश्च॑त ॥ क॒कु॒ह॑ रूप॒म् । रू॒पं वृ॑ष॒भ॒स्य॑ । वृ॒ष॒भ॒स्य॑
 रो॒च॒ते॑ । रो॒च॒ते॑ बृ॒हत् । बृ॒हत् सो॒मः॑ । सो॒मः॑ सो॒म॒स्य॑ । सो॒म॒स्य॑
 पु॒रो॒गाः॑ । पु॒रो॒गाः॑ शु॒क्रः॑ । पु॒रो॒गा॑ इति पु॒रः-गाः॑ । शु॒क्रः॑ शु॒क्र॒स्य॑ ।
 शु॒क्र॒स्य॑ पु॒रो॒गाः॑ । पु॒रो॒गा॑ इति पु॒रः - गाः॑ ॥ यत् ते॑ । ते॒ सो॒म॑ ।
 सो॒मादा॑भ्यम् । अ॒दा॒भ्य॒म् ना॒म॑ । ना॒म॑ जा॒गृ॒वि॑ । जा॒गृ॒वि॑ तस्मै॑ ।

तृतीय काण्डे – तृतीय प्रश्नः – (TS 3.3)

तस्मै॑ ते॒ । ते॒ सोम॑ । सोम॑ सोमा॒य । सोमा॒य स्वाहा॑ ॥ स्वाहो॒शिक् ।
उ॒शिक् त्वम् । त्वम् दे॒व । दे॒व सोम॑ । सोम॑ गाय॒त्रेण॑ ।
गाय॒त्रेण॑ छन्द॒सा । छन्द॒सा ऽग्नेः॑ । अ॒ग्नेः प्रि॒यम् । 6 (50/51)

T.S.3.3.3.3 - Kramam

प्रि॒यम् पाथः॑ । पाथो॑ अपि॒ । अपी॑हि । इ॒हि व॒शी । व॒शी त्वम् ।
त्वम् दे॒व । दे॒व सोम॑ । सोम॑ त्रैष्टु॒भेन॑ । त्रैष्टु॒भेन॑ छन्द॒सा ।
छन्द॑सेन्द्र॒स्य । इन्द्र॑स्य प्रि॒यम् । प्रि॒यम् पाथः॑ । पाथो॑ अपि॒ । अपी॑हि ।
इ॒ह्यस्म॑त्सखा । अ॒स्मत्सखा॑ त्वम् । अ॒स्मत्सखे॑त्यस्मत् – सखा ।
त्वम् दे॒व । दे॒व सोम॑ । सोम॑ जाग॒तेन॑ । जाग॒तेन॑ छन्द॒सा । छन्द॒सा
विश्वे॑षाम् । विश्वे॑षाम् दे॒वाना॑म् ॥ दे॒वाना॑म् प्रि॒यम् । प्रि॒यम् पाथः॑ ।
पाथो॑ अपि॒ । अपी॑हि । इ॒ह्या । आ नः॑ । नः प्राणः॑ । प्राण॑ ए॒तु ।
प्राण॑ इति॒ प्र – अनः॑ । ए॒तु परा॑वतः । परा॑वत आ । परा॑वत इति॒
परा – वतः॑ । आ ऽन्तरि॑क्षात् । अ॒न्तरि॑क्षाद् दिवः॑ । दिव॑स्प॒रि ।
प॒रीति॑ परि॒ । आयुः॑ पृथि॒व्याः । पृथि॒व्या अधि॑ । अ॒द्ध्यमृ॑तम् ।
अ॒मृ॑तम॒सि । अ॒सि प्रा॑णाय । प्रा॑णाय॒ त्वा । प्रा॑णाय॒ति प्र – अ॒नाय॑ ।

तैत्तिरीय संहिता क्रम पाठे (TS 3.3)

त्वेति॑ त्वा ॥ इन्द्रा॑ग्नी मे॑ । इन्द्रा॑ग्नी इतीन्द्र॑ - अग्नी॑ । मे॒ वर्चः॑ ।
वर्चः॑ कृणुताम् । कृणुतां॑ वर्चः॑ । वर्चः॑ सोमः॑ । सोमो॑ बृहस्पतिः॑ ।
बृहस्पतिरिति॑ बृहस्पतिः॑ () ॥ वर्चो॑ मे । मे॒ विश्वे॑ । विश्वे॑ देवाः ।
देवा॑ वर्चः॑ । वर्चो॑ मे । मे॒ धत्तम् । धत्तमश्चिना॑ । अश्चिनेत्यश्चिना॑ ॥
दधन्वे॑ वा । वा॒ यत् । यदीम् । ईमनु॑ । अनु॒ वोचत् । वोचद् ब्रह्माणि॑ ।
ब्रह्माणि॑ वेः । वेरु॑ । उ॒ तत् । तदिति॑ तत् ॥ परि॒ विश्वानि॑ ।
विश्वानि॑ काव्या॑ । काव्या॑ नेमिः॑ । नेमिश्चक्रम् । चक्रमिव॑ । इवाभवत् ।
अभवदित्यभवत् ॥ 7 (75/80)

(शक्वरीष्व - ग्नेर् - बृहस्पतिः - पञ्चविंशतिश्च) (A3)

T.S.3.3.4.1 - Kramam

एतद् वै । वा॒ अपाम् । अपाम् नामधेयम् । नामधेयम् गुह्यम् ।
नामधेयमिति॑ नाम - धेयम् । गुह्यं॑ यत् । यदाधावाः । आधावा॑
मान्दासु॑ । आधावा॑ इत्या - धावाः । मान्दासु॑ ते । ते शुक्र॑ ।
शुक्र॑ शुक्रम् । शुक्र॑ मा । आ धूनोमि॑ । धूनोमीति॑ । इत्याह॑ ।
आहापाम् । अपामेव॑ । एव नामधेयेन॑ । नामधेयेन॑ गुह्येन॑ ।
नामधेयेनेति॑ नाम - धेयेन॑ । गुह्येन॑ दिवः॑ । दिवो॑ वृष्टिम् । वृष्टिमिव॑ ।

तृतीय काण्डे - तृतीय प्रश्नः - (TS 3.3)

अव॑ रुन्धे । रुन्धे शु॒क्रम् । शु॒क्रम् ते॑ । ते शु॒क्रेण॑ । शु॒क्रेण॑
 गृह्णामि॑ । गृह्णामीति॑ । इत्याह॑ । आ॒हैतत् । ए॒तद् वै । वा अ॒हः ।
 अ॒हो रू॒पम् । रू॒पं यत् । यद् रा॒त्रिः । रा॒त्रिः सूर्य॑स्य । सूर्य॑स्य
 रश्म॑यः । रश्मयो॑ वृष्ट्याः॑ । वृष्ट्या॑ ईशते॑ । ईशते॑ ऽहः॑ । अ॒ह ए॒व ।
 ए॒व रू॒पेण॑ । रू॒पेण॑ सूर्य॑स्य । सूर्य॑स्य रश्मि॑भिः । रश्मि॑भिर् दि॒वः ।
 रश्मि॑भिरिति॑ रश्मि - भिः । दि॒वो वृष्टि॑म् । वृष्टि॑म् च्यावयति॑ ।
 च्यावय॑त्या । आ ऽस्मिन् । अ॒स्मिन्नु॒ग्राः ।

उ॒ग्रा अ॒चुच्य॑वुः । 8 (50/54)

T.S.3.3.4.2 - Kramam

अ॒चुच्य॑वुरिति॑ । इत्याह॑ । आ॒ह यथा॑यजुः । यथा॑यजुरे॒व ।
 यथा॑यजुरिति॑ यथा - यजुः । ए॒वैतत् । ए॒तत् क॒कुह॑म् ।
 क॒कुह॑म् रू॒पम् । रू॒पं वृ॒षभ॑स्य । वृ॒षभ॑स्य रोचते॑ । रो॒चते॑ बृ॒हत् ।
 बृ॒हदिति॑ । इत्याह॑ । आ॒हैतत् । ए॒तद् वै । वा अ॒स्य । अ॒स्य क॒कुह॑म् ।
 क॒कुह॑म् रू॒पम् । रू॒पं यत् । यद् वृष्टिः॑ । वृष्टी॑ रू॒पेण॑ । रू॒पेणै॒व ।
 ए॒व वृष्टि॑म् । वृष्टि॑मव । अव॑ रुन्धे । रुन्धे॑ यत् । यत् ते॑ । ते सो॒म ।
 सो॒मादा॑भ्यम् । अ॒दाभ्य॑म् नाम॑ । नाम॑ जा॒गृवि॑ । जा॒गृवी॑ति॑ ।

इ॒त्याह॑ । आ॒है॒षः॑ । ए॒ष ह॑ । ह॒ वै । वै ह॒विषा॑ । ह॒विषा॑ ह॒विः॑ ।
ह॒विर् य॑जति । य॒जति॑ यः । यो ऽदा॑भ्यम् । अदा॑भ्यम् गृही॒त्वा ।
गृही॒त्वा सो॑माय । सो॒माय॑ जु॒होति॑ । जु॒होति॑ परा॑ । परा॑ वै ।
वा ए॒तस्य॑ । ए॒तस्या॑युः । आ॒युः प्रा॑णः । प्रा॒ण ए॑ति ।
प्रा॒ण इ॑ति प्र – अ॒नः । ए॒ति यः॑ । 9 (50/52)

T.S.3.3.4.3 - Kramam

यो ऽ॒शुम् । अ॒शुम् गृ॑ह्णाति । गृ॒ह्णात्या॑ । आ॒ नः॑ । नः॑ प्रा॒णः ।
प्रा॒ण ए॑तु । प्रा॒ण इ॑ति प्र – अ॒नः । ए॒तु परा॑वतः । परा॑वत इति ।
परा॑वत इति परा॑-वतः । इ॒त्याह॑ । आ॒हायुः॑ । आ॒युरे॒व । ए॒व प्रा॑णम् ।
प्रा॒णमा॑त्मन् । प्रा॒णमि॑ति प्र – अ॒नम् । आ॒त्मन् ध॑त्ते । ध॒त्ते ऽमृत॑म् ।
अ॒मृत॑मसि । अ॒सि प्रा॑णाय । प्रा॒णाय॑ त्वा । प्रा॒णाये॑ति प्र – अ॒नाय॑ ।
त्वे॑ति । इति॑ हिर॒ण्यम् । हिर॒ण्यम॑भि । अ॒भि वि॑ । व्य॒निति॑ ।
अ॒नित्य॑मृतम् । अ॒मृतं॑ वै । वै हिर॒ण्यम् । हिर॒ण्यमा॑युः ।
आ॒युः प्रा॑णः । प्रा॒णो ऽमृ॑तेन । प्रा॒ण इ॑ति प्र – अ॒नः । अ॒मृते॑नैव ।
ए॒वायुः॑ । आ॒युर् आ॑त्मन् । आ॒त्मन् ध॑त्ते । ध॒त्ते श॑तमा॒नम् ।
श॑तमा॒नम् भ॑वति । श॒तमा॒नमि॑ति श॒त – मा॒नम् । भ॑वति श॒तायुः॑ ।

तृतीय काण्डे - तृतीय प्रश्नः - (TS 3.3)

श॒तायुः॑ पु॒रुषः॑ । श॒तायु॑रिति॑ श॒त - आ॒युः॑ । पु॒रुषः॑ श॒तेन्द्रि॑यः ।
 श॒तेन्द्रि॑य आ॒युषि॑ । श॒तेन्द्रि॑य इति॑ श॒त - इन्द्रि॑यः । आ॒युष्ये॑व ।
 ए॒वेन्द्रि॑ये । इन्द्रि॑ये प्रति॑ । प्रति॑ तिष्ठति॑ । तिष्ठ॑त्यपः॑ । अप॑ उप॑ ।
 उप॑ स्पृशति॑ । स्पृशति॑ भेष॒जम् । भेष॒जं वै॑ । वा आपः॑ () । आपो॑
 भेष॒जम् । भेष॒जमे॒व । ए॒व कुरु॑ते । कुरु॑त इति॑ कुरु॑ते ॥ 10 (53/61)

(उ॒ग्रा - ए॒त्या - प - स्त्री॑णि च) (A4)

T.S.3.3.5.1 - Kramam

वा॒युर॑सि । अ॒सि प्रा॑णः । प्रा॒णो ना॑म । प्रा॒ण इति॑ प्र - अ॒नः ।
 ना॑म स॒वितुः॑ । स॒वितु॑राधि॒पत्ये॑ । आधि॑पत्ये ऽपान॑म् । आधि॑पत्य
 इत्याधि॑ - पत्ये॑ । अ॒पान॑म् मे॑ । अ॒पान॑मित्यप - अ॒नम् । मे॑ दाः ।
 दा॑ श्चक्षुः॑ । चक्षु॑रसि । अ॒सि श्रो॑त्रम् । श्रो॑त्रम् नाम॑ । नाम॑ धा॒तुः ।
 धा॒तुराधि॑पत्ये । आधि॑पत्य आ॒युः । आधि॑पत्य इत्याधि॑ - पत्ये॑ ।
 आ॒युर् मे॑ । मे॑ दाः । दा॑ रू॒पम् । रू॒पम॑सि । अ॒सि वर्णः॑ ।
 वर्णो॑ नाम॑ । नाम॑ बृ॒हस्प॑तेः । बृ॒हस्प॑तेराधि॒पत्ये॑ । आधि॑पत्ये प्र॒जाम् ।
 आधि॑पत्य इत्याधि॑ - पत्ये॑ । प्र॒जाम् मे॑ । प्र॒जामि॑ति प्र - जा॒म् ।
 मे॑ दाः । दा॑ ऋ॒तम् । ऋ॒तम॑सि । अ॒सि स॒त्यम् । स॒त्यम् नाम॑ ।

ना॒मेन्द्र॑स्य । इन्द्र॑स्याधि॒पत्ये॑ । आधि॑पत्ये क्ष॒त्रम् । आधि॑पत्य
इत्याधि॑ - पत्ये॑ । क्ष॒त्रम् मे॑ ॥ मे॒ दाः । दा॒ भू॒तम् । भू॒तम॑सि ।
अ॒सि भ॑व्यम् । भ॒व्यम् नाम॑ । नाम॑ पि॒तृणा॑म् । पि॒तृणा॑माधि॒पत्ये॑ ।
आधि॑पत्ये ऽपाम् । आधि॑पत्य इत्याधि॑ - पत्ये॑ । अ॒पामो॑षधी॒नाम् ।
ओ॑षधी॒नाम् गर्भ॑म् । गर्भ॑म् धाः । धा॒ ऋ॒तस्य॑ । ऋ॒तस्य॑ त्वा ।
त्वा॒ व्यो॑मने । व्यो॑मन ऋ॒तस्य॑ । व्यो॑मन इति वि - ओ॒मने॑ ।
ऋ॒तस्य॑ त्वा । 11 (50/59)

T.S.3.3.5.2 - Kramam

त्वा॒ वि॒भू॑मने । वि॒भू॑मन ऋ॒तस्य॑ । वि॒भू॑मन इति वि - भू॒मने॑ ।
ऋ॒तस्य॑ त्वा । त्वा॒ वि॒ध॑र्मणे । वि॒ध॑र्मण ऋ॒तस्य॑ । वि॒ध॑र्मण इति
वि - ध॑र्मणे । ऋ॒तस्य॑ त्वा । त्वा॒ स॒त्याय॑ । स॒त्याय॑र्तस्य॑ । ऋ॒तस्य॑
त्वा । त्वा॒ ज्यो॑तिषे । ज्यो॑तिषे प्र॒जाप॑तिः । प्र॒जाप॑तिर् वि॒राज॑म् ॥
प्र॒जाप॑तिरिति प्र॒जा - प॑तिः । वि॒राज॑मपश्यत् । वि॒राज॑मिति
वि - रा॑जम् ॥ अ॒पश्य॑त् तया॑ । तया॑ भू॒तम् । भू॒तम् च॑ । च॒ भ॒व्यम्॑ ।
भ॒व्यम् च॑ । चा॒सृ॒जत॑ । अ॒सृ॒जत॑ ताम् । तामृ॑षिभ्यः ।

तृतीय काण्डे - तृतीय प्रश्नः - (TS 3.3)

ऋषि॑भ्यस्तिरः । ऋषि॑भ्य इत्यृषि॑ - भ्यः । तिरो॑ ऽदधात् । अदधात्
ताम् । ताम् जमद॑ग्निः । जमद॑ग्निस्तपसा । तपसा॑ ऽपश्यत् ।
अपश्यत्॑ तया॑ । तया॑ वै । वै सः । स पृ॑श्नीन् । पृ॑श्नीन् कामान् ।
कामान॑सृजत । असृ॑जत तत् । तत् पृ॑श्नीनाम् । पृ॑श्नीनाम्
पृ॑श्नित्वम् । पृ॑श्नित्वं यत् । पृ॑श्नित्वमिति॑ पृ॑श्नि - त्वम् ।
यत् पृ॑श्नयोः । पृ॑श्नयो गृ॒ह्यन्ते॑ । गृ॒ह्यन्ते॑ पृ॑श्नीन् । पृ॑श्नीनेव ।
एव॑ तैः । तैः कामान् । कामान्॑ यजमानः । यजमानो॑ ऽव ।
अव॑ रुन्धे । रुन्धे॑ वायुः । वायुर॑सि । असि॑ प्राणः । प्राणो॑ नाम ।
प्राण॑ इति॑ प्र - अनः । 12 (50/57)

T.S.3.3.5.3 - Kramam

नामेति॑ । इत्याह॑ । आह॑ प्राणापानौ । प्राणापानावेव॑ ।
प्राणापाना॑विति॑ प्राण - अपानौ॑ । एवाव॑ । अव॑ रुन्धे । रुन्धे॑ चक्षुः ।
चक्षु॑रसि । असि॑ श्रोत्रम्॑ । श्रोत्रम्॑ नाम । नामेति॑ । इत्याह॑ । आहायुः॑ ।
आयु॑रेव । एवाव॑ । अव॑ रुन्धे । रुन्धे॑ रूपम् । रूपम॑सि ।
असि॑ वर्णः । वर्णो॑ नाम । नामेति॑ । इत्याह॑ । आह॑ प्रजाम् ।
प्रजा॑मेव । प्रजा॑मिति॑ प्र - जाम् । एवाव॑ । अव॑ रुन्धे । रुन्धे॑ ऋतम् ।

ऋ॒तम॑सि । अ॒सि स॒त्यम् । स॒त्यम् नाम॑ । नामेति॑ । इत्याह॑ ।

आह॑ क्ष॒त्रम् । क्ष॒त्रमे॒व । ए॒वाव॑ । अ॒व रु॒न्धे । रु॒न्धे भू॒तम् ।

भू॒तम॑सि । अ॒सि भ॒व्यम् । भ॒व्यम् नाम॑ । नामेति॑ । इत्याह॑ ।

आह॑ प॒शवः॑ । प॒शवो॑ वै । वा अ॒पाम् । अ॒पामो॑ष॒धीना॑म् ।

ओ॒षधी॑ना॒म् गर्भः॑ । गर्भः॑ प॒शून् । प॒शूने॒व । ए॒वाव॑ । 13 (50/52)

T.S.3.3.5.4 - Kramam

अ॒व रु॒न्धे । रु॒न्ध ए॒तावत् । ए॒तावद् वै । वै पु॒रुष॑म् । पु॒रुष॑म् प॒रितः॑ ।

प॒रित॑स्तत् । तदे॒व । ए॒वाव॑ । अ॒व रु॒न्धे । रु॒न्ध ऋ॒तस्य॑ । ऋ॒तस्य॑ त्वा ।

त्वा व्यो॑मने । व्यो॑मन इति॑ । व्यो॑मन इति॑ वि - ओ॒मने॑ । इत्याह॑ ।

आ॒हे॒यम् । इ॒यं वै । वा ऋ॒तस्य॑ । ऋ॒तस्य॑ व्यो॑म । व्यो॑मे॒माम् ।

व्यो॑मेति॑ वि-ओ॒म । इ॒मामे॒व । ए॒वाभि॑ । अ॒भि ज॑यति । ज॒यत्यृ॑तस्य॑ ।

ऋ॒तस्य॑ त्वा । त्वा वि॒भूम॑ने । वि॒भूम॑न इति॑ । वि॒भूम॑न इति॑

वि - भू॒मने॑ । इत्याह॑ । आ॒हान्तरि॑क्षम् । अ॒न्तरि॑क्षं वै । वा ऋ॒तस्य॑ ।

ऋ॒तस्य॑ वि॒भूम॑ । वि॒भूमा॑न्तरि॒क्षम् । वि॒भूमे॑ति॒ वि - भू॒म ।

अ॒न्तरि॑क्षमे॒व । ए॒वाभि॑ । अ॒भि ज॑यति । ज॒यत्यृ॑तस्य॑ । ऋ॒तस्य॑ त्वा ।

त्वा वि॒धर्म॑णे । वि॒धर्म॑ण इति॑ । वि॒धर्म॑ण इति॑ वि - ध॒र्मणे॑ । इत्याह॑ ।

तृतीय काण्डे - तृतीय प्रश्नः - (TS 3.3)

आह द्यौः । द्यौर् वै । वा ऋतस्य । ऋतस्य विधर्म । विधर्म दिवम् ।
विधर्मेति वि - धर्म । दिवमेव । एवाभि । अभि जयति ।
जयत्यृतस्य () । ऋतस्य त्वा । 14 (50/56)

T.S.3.3.5.5 - Kramam

त्वा सत्याय । सत्यायेति । इत्याह । आह दिशः । दिशो वै ।
वा ऋतस्य । ऋतस्य सत्यम् । सत्यम् दिशः । दिश एव । एवाभि ।
अभि जयति । जयत्यृतस्य । ऋतस्य त्वा । त्वा ज्योतिषे । ज्योतिष
इति । इत्याह । आह सुवर्गः । सुवर्गो वै । सुवर्ग इति सुवः-गः ।
वै लोकः । लोक ऋतस्य । ऋतस्य ज्योतिः । ज्योतिः सुवर्गम् ।
सुवर्गमेव । सुवर्गमिति सुवः - गम् । एव लोकम् । लोकमभि ।
अभि जयति । जयत्येतावन्तः । एतावन्तो वै । वै देवलोकाः ।
देवलोकास्तान् । देवलोका इति देव - लोकाः । तानेव । एवाभि ।
अभि जयति । जयति दश । दश सम् । सम् पद्यन्ते । पद्यन्ते
दशाक्षरा । दशाक्षरा विराट् । दशाक्षरेति दश-अक्षरा । विराडन्नम् ।
विराडिति वि - राट् । अन्नं विराट् । विराड् विराजि ।
विराडिति वि - राट् । विराज्येव । विराजीति वि - राजि ।

ए॒वान्ना॑द्ये॒ । अ॒न्नाद्ये॑ प्र॒ति॒ । अ॒न्नाद्य॑ इत्य॒न्न - अ॒द्ये॑ । प्र॒ति॒ तिष्ठ॑ति ।
तिष्ठ॑तीति॒ तिष्ठ॑ति ॥ 15 (46/54)

(व्यो॑म॒न ऋ॒तस्य॑ - प्रा॒णः - प॒शू॒ने॒व - वि॒ध॒र्म दि॒व॒मे॒वाभि॑
ज॒य॒त्यृ॒तस्य॑ - षट्च॑त्वारि॒ंशच्च॑) (A5)

T.S.3.3.6.1 - Kramam

दे॒वा वै॑ । वै॒ यत् । यद् य॒ज्ञेन॑ । य॒ज्ञेन॑ न । ना॒वा॒रु॒न्धत॑ । अ॒वा॒रु॒न्धत॑
तत् । अ॒वा॒रु॒न्धते॑त्य॒व - अ॒रु॒न्धत॑ । तत् परैः॑ । परै॒रव॑ । अ॒वा॒रु॒न्धत॑ ।
अ॒रु॒न्धत॑ तत् । तत् परा॑णाम् । परा॑णाम् पर॒त्वम् । पर॒त्वं य॑त् ।
पर॒त्वमि॑ति॒ पर - त्वम् । यत् परैः॑ । परे॑ गृह्यन्ते॑ । गृह्यन्ते॑ यत् ।
यदे॒व । ए॒व य॒ज्ञेन॑ । य॒ज्ञेन॑ न । ना॒व॒रु॒न्धे॑ । अ॒व॒रु॒न्धे॑ तस्य॑ ।
अ॒व॒रु॒न्ध इत्य॑व - रु॒न्धे॑ । तस्या॑व॒रु॒द्ध्यै॑ । अ॒व॒रु॒द्ध्यै॑ यम् ।
अ॒व॒रु॒द्ध्य॑ इत्य॑व - रु॒द्ध्यै॑ । यम् प्र॒थम॑म् । प्र॒थम॑म् गृह्णा॑ति ।
गृह्णा॑ती॒मम् । इ॒ममे॒व । ए॒व तेन॑ । तेन॑ लो॒कम् । लो॒कम॑भि ।
अ॒भि ज॑यति । ज॒यति॑ यम् । यम् द्वि॒तीय॑म् । द्वि॒तीय॑म॒न्तरि॑क्षम् ।
अ॒न्तरि॑क्षम् तेन॑ । तेन॑ यम् । यन् तृ॒तीय॑म् । तृ॒तीय॑म॒मुम् । अ॒मुमे॒व ।
ए॒व तेन॑ । तेन॑ लो॒कम् । लो॒कम॑भि । अ॒भि ज॑यति । ज॒यति॑ यत् ।

यदे॒ते । ए॒ते गृ॒ह्यन्ते॑ ॥ गृ॒ह्यन्त॑ ए॒षाम् । ए॒षां लो॒कानाम्॑ ॥
लो॒कानाम॑भिजित्यै । अ॒भिजित्या॑ उत्तरेषु ।
अ॒भिजित्या॑ इत्यभि - जित्यै । 16 (50/55)

T.S.3.3.6.2 - Kramam

उत्तरेष्वहस्सु । उत्तरेष्वित्युत् - तरेषु । अहस्स्वमुतः ।
अहस्स्वत्यहः - सु । अमुतो ऽर्वाञ्चः । अर्वाञ्चो गृह्यन्ते ।
गृह्यन्ते ऽभिजित्यै । अ॒भिजित्यै॑व । अ॒भिजित्ये॑त्यभि - जित्यै ।
एवे॒मान् । इ॒मान् लो॒कान् । लो॒कान् पुनः॑ । पुनरि॒मम् । इ॒मं लो॒कम् ।
लो॒कम् प्र॒त्यव॑रोहन्ति । प्र॒त्यव॑रोहन्ति यत् । प्र॒त्यव॑रोहन्तीति
प्रति - अ॒वरो॑हन्ति । यत् पूर्वे॑षु । पूर्वे॒ष्वह॑स्सु । अहस्स्वतः ।
अहस्स्वत्यहः - सु । इ॒तः परा॑ञ्चः ॥ परा॑ञ्चो गृह्यन्ते ॥ गृह्यन्ते
तस्मात् ॥ तस्मा॑दितः । इ॒तः परा॑ञ्चः ॥ परा॑ञ्च इ॒मे । इ॒मे लो॒काः ।
लो॒का यत् । यदु॑त्तरेषु । उत्तरेष्वहस्सु । उत्तरेष्वित्युत् - तरेषु ।
अहस्स्वमुतः । अहस्स्वत्यहः - सु । अमुतो ऽर्वाञ्चः ।
अर्वाञ्चो गृह्यन्ते ॥ गृह्यन्ते तस्मात् ॥ तस्मा॑दमुतः । अमुतो ऽर्वाञ्चः ।
अर्वाञ्च इ॒मे । इ॒मे लो॒काः । लो॒कास्तस्मात् ॥ तस्मा॑दयातयाम्नः ।

अ॒या॒त॒या॒म्नो॑ लो॒कान् । अ॒या॒त॒या॒म्न इ॒त्य॒या॒त - या॒म्नः॑ । लो॒कान्
म॒नु॒ष्याः॑ ॥ म॒नु॒ष्या उप॑ । उप॑ जी॒वन्ति॑ । जी॒वन्ति॑ ब्र॒ह्म॒वा॒दि॒नः॑ ।
ब्र॒ह्म॒वा॒दि॒नो॑ वदन्ति । ब्र॒ह्म॒वा॒दि॒न इति॑ ब्र॒ह्म - वा॒दि॒नः॑ । वदन्ति॑
कस्मात् । कस्मात् स॒त्यात् । स॒त्याद॒द्भ्यः॑ । अ॒द्भ्य ओष॑धयः ।
अ॒द्भ्य इत्यत् - भ्यः॑ । ओष॑धयः सम् । सम् भवन्ति ।
भवन्त्योष॑धयः () । ओष॑धयो म॒नु॒ष्या॒णाम् । 17 (50/60)

T.S.3.3.6.3 - Kramam

म॒नु॒ष्या॒णाम॒न्नम् । अ॒न्नम् प्र॒जा॒प॒तिम् । प्र॒जा॒प॒तिम् प्र॒जाः ।
प्र॒जा॒प॒ति॒मि॒ति प्र॒जा - प॒तिम् । प्र॒जा अनु॑ । प्र॒जा इति॑ प्र - जाः ।
अनु॑ प्र । प्र जा॒यन्ते॑ । जा॒यन्त इति॑ । इति॑ प॒रान् । प॒राननु॑ ।
अ॒न्वि॒ति । इति॑ ब्रू॒यात् । ब्रू॒याद् यत् । यद् गृ॒ह्णा॒ति । गृ॒ह्णा॒त्य॒द्भ्यः॑ ।
अ॒द्भ्यस्त्वा॑ ॥ अ॒द्भ्य इत्यत् - भ्यः॑ । त्वौष॑धीभ्यः । ओष॑धीभ्यो
गृ॒ह्णामि॑ । ओष॑धीभ्य इत्योष॑धि - भ्यः॑ । गृ॒ह्णामी॑ति । इति॑ तस्मात् ॥
तस्मा॑द॒द्भ्यः॑ । अ॒द्भ्य ओष॑धयः । अ॒द्भ्य इत्यत् - भ्यः॑ ।
ओष॑धयः सम् । सम् भवन्ति । भवन्ति॑ यत् । यद् गृ॒ह्णा॒ति ।

तृतीय काण्डे - तृतीय प्रश्नः - (TS 3.3)

गृ॒ह्णा॒त्यो॒ष॒धी॒भ्यः॑ । ओ॒ष॒धी॒भ्यस्त्वा॑ । ओ॒ष॒धी॒भ्य इ॒त्यो॒ष॒धि - भ्यः॑ ।
 त्वा प्र॒जा॒भ्यः॑ । प्र॒जा॒भ्यो गृ॒ह्णामि॑ । प्र॒जा॒भ्य इति॑ प्र - जा॒भ्यः॑ ।
 गृ॒ह्णामीति॑ । इति॑ तस्मात् । तस्मा॒दो॒ष॒धयः॑ । ओ॒ष॒धयो म॒नु॒ष्या॒णाम् ।
 म॒नु॒ष्या॒णाम॒न्नम्॑ ॥ अ॒न्नं यत् । यद् गृ॒ह्णाति॑ । गृ॒ह्णाति॑ प्र॒जा॒भ्यः॑ ।
 प्र॒जा॒भ्यस्त्वा॑ । प्र॒जा॒भ्य इति॑ प्र - जा॒भ्यः॑ । त्वा प्र॒जाप॑तये ।
 प्र॒जाप॑तये गृ॒ह्णामि॑ । प्र॒जाप॑तय इति॑ प्र॒जा - प॒तये॑ । गृ॒ह्णामीति॑ ।
 इति॑ तस्मात् । तस्मात् प्र॒जाप॑तिम् । प्र॒जाप॑तिम् प्र॒जाः ।
 प्र॒जाप॑तिमिति॑ प्र॒जा - प॒तिम् । प्र॒जा अनु॑ । प्र॒जा इति॑ प्र - जाः ।
 अनु॑ प्र । प्र जायन्ते । जायन्त इति॑ जायन्ते ॥ 18 (48/59)

(अभिजित्यै - भवन्त्योषधयो - ष्टाचत्वारिंशच्च) (A6)

T.S.3.3.7.1 - Kramam

प्र॒जाप॑तिर् दे॒वासु॒रान् । प्र॒जाप॑तिरिति॑ प्र॒जा - प॒तिः॑ ।
 दे॒वासु॒रान॑सृजत । दे॒वासु॒रानिति॑ दे॒व - अ॒सु॒रान् । अ॒सृज॑त तत् ।
 तदनु॑ । अनु॑ यज्ञः । यज्ञो ऽसृ॑ज्यत । अ॒सृज्य॑त यज्ञम् ।
 यज्ञम् छन्दा॑सि । छन्दा॑सि ते । ते वि॒ष्वञ्चः॑ । वि॒ष्वञ्चो॑ वि ।
 व्य॒क्राम॑न् । अ॒क्राम॑न्थ् सः । सो ऽसु॒रान् । अ॒सु॒राननु॑ । अनु॑ यज्ञः ।

य॒ज्ञो ऽप॑ । अ॒पा॒क्राम॑त् । अ॒क्राम॑द् य॒ज्ञम् । य॒ज्ञम् छ॒न्दा॑ँसि ।
 छ॒न्दा॑ँसि ते । ते दे॒वाः । दे॒वा अ॒मन्य॑न्त । अ॒मन्य॑न्तामी । अ॒मी वै ।
 अ॒मी इ॒त्यमी॑ । वा इ॒दम् । इ॒दम॑भूवन् । अ॒भूवन्॑ यत् । यद् व॒यम् ।
 व॒यञ् स्मः॑ । स्म इति॑ । इति॑ ते । ते प्र॒जाप॑तिम् । प्र॒जाप॑तिमुप ।
 प्र॒जाप॑तिमिति॑ प्र॒जा - प॑तिम् । उपा॒धाव॑न् । अ॒धाव॑न्थ् सः ।
 सो ऽब्र॑वीत् । अ॒ब्रवी॑त् प्र॒जाप॑तिः । प्र॒जाप॑तिः छ॒न्दसाम्॑ ।
 प्र॒जाप॑तिरिति॑ प्र॒जा - प॑तिः । छ॒न्दसां॑ वी॒र्य॑म् । वी॒र्य॑मादाय॑ ।
 आ॒दाय॑ तत् । आ॒दाये॑त्या - दा॒य । तद् वः॑ । वः प्र॑ । प्र दा॒स्यामि॑ ।
 दा॒स्यामी॑ति । इति॑ सः । स छ॒न्दसाम्॑ । छ॒न्दसां॑ वी॒र्य॑म् ।
 वी॒र्य॑मादाय॑ । 19 (50/56)

T.S.3.3.7.2 - Kramam

आ॒दाय॑ तत् । आ॒दाये॑त्या - दा॒य । तद्दे॑भ्यः । ए॒भ्यः प्र॑ । प्रा॒यच्छ॑त् ।
 अ॒यच्छ॑त् तत् । तदनु॑ । अनु॑ छ॒न्दा॑ँसि । छ॒न्दा॑ँस्यप॑ । अ॒पा॒क्राम॑न् ।
 अ॒क्राम॑न् छ॒न्दा॑ँसि । छ॒न्दा॑ँसि य॒ज्ञः । य॒ज्ञस्त॑तः । ततो॑ दे॒वाः ।
 दे॒वा अ॒भव॑न् । अ॒भव॑न् परा॑ । परा॑ ऽसुराः । अ॒सुरा॑ यः । य ए॒वम् ।
 ए॒वम् छ॒न्दसाम्॑ । छ॒न्दसां॑ वी॒र्य॑म् । वी॒र्यं॑ वे॒द । वे॒दा । आ श्रा॑वय ।

तृतीय काण्डे - तृतीय प्रश्नः - (TS 3.3)

श्रावयास्तु । अस्तु श्रौषट् । श्रौषड् यज । यज ये । ये यजामहे ।
यजामहे वषट्कारः । वषट्कारो भवति । वषट्कार इति
वषट् - कारः । भवत्यात्मना । आत्मना परा । परा ऽस्य ।
अस्य भ्रातृव्यः । भ्रातृव्यो भवति । भवति ब्रह्मवादिनः । ब्रह्मवादिनो
वदन्ति । ब्रह्मवादिन इति ब्रह्म - वादिनः । वदन्ति कस्मै ॥
कस्मै कम् । कमद्ध्वर्युः । अद्ध्वर्युरा । आ श्रावयति ।
श्रावयतीति । इति छन्दसाम् । छन्दसां वीर्याय । वीर्यायेति ।
इति ब्रूयात् । ब्रूयादेतत् । एतद् वै । वै छन्दसाम् । 20 (50/53)

T.S.3.3.7.3 - Kramam

छन्दसां वीर्यम् ॥ वीर्यमा । आ श्रावय । श्रावयास्तु । अस्तु श्रौषट् ।
श्रौषड् यज । यज ये । ये यजामहे । यजामहे वषट्कारः ।
वषट्कारो यः । वषट्कार इति वषट्-कारः । य एवम् । एवं वेद ।
वेद सवीर्यैः ॥ सवीर्यैरेव । सवीर्यैरिति स - वीर्यैः । एव छन्दोभिः ।
छन्दोभिरर्चति । छन्दोभिरिति छन्दः - भिः । अर्चति यत् ।
यत् किम् । किम् च । चार्चति । अर्चति यत् । यदिन्द्रः ।
इन्द्रो वृत्रम् । वृत्रमहन् । अहन्नमेद्ध्यम् । अमेद्ध्यम् तत् ।

तद् यत् । यद् यतीन् । यतीन्पावपत् । अपावपदमेद्ध्यम् ।
 अपावपदित्यप-अवपत् । अमेद्ध्यम् तत् । तदथ । अथ कस्मात् ॥
 कस्मादैन्द्रः । ऐन्द्रो यज्ञः । यज्ञ आ । आ सञ्स्थातोः ।
 सञ्स्थातोरिति । सञ्स्थातोरिति सम् - स्थातोः । इत्याहुः ।
 आहुरिन्द्रस्य । इन्द्रस्य वै । वा एषा । एषा यज्ञिया । यज्ञिया तनूः ।
 तनूर् यत् । यद् यज्ञः । यज्ञस्ताम् । तामेव । एव तत् () ।
 तद् यजन्ति । यजन्ति यः । य एवम् । एवं वेद । वेदोप । उपैनम् ।
 एनं यज्ञः । यज्ञो नमति । नमतीति नमति ॥ 21 (58/63)

(छन्दसां वीर्यं - वा - एव त - दष्टौ च) (A7)

T.S.3.3.8.1 - Kramam

आयुर्दा अग्ने । आयुर्दा इत्यायुः - दाः । अग्ने हविषः । हविषो
 जुषाणः । जुषाणो घृतप्रतीकः । घृतप्रतीको घृतयोनिः । घृतप्रतीक
 इति घृत - प्रतीकः । घृतयोनिरेधि । घृतयोनिरिति घृत - योनिः ।
 एधीत्येधि ॥ घृतम् पीत्वा । पीत्वा मधु । मधु चारु । चारु गव्यम् ।
 गव्यम् पिता । पितेव । इव पुत्रम् । पुत्रमभि । अभि रक्षतात् ।
 रक्षतादिमम् । इममितीमम् ॥ आ वृश्च्यते । वृश्च्यते वै । वा एतत् ।

तृतीय काण्डे - तृतीय प्रश्नः - (TS 3.3)

ए॒तद् य॑ज॒मानः॑ । य॒ज॒मा॒नो ऽग्नि॑भ्याम् ॥ अ॒ग्नि॒भ्यां यँ॑त् ।
 अ॒ग्नि॒भ्यामि॒त्यग्नि॑ - भ्याम् । य॒दे॒न॒योः॑ । ए॒न॒योः शृ॑त॒ङ्कृ॒त्य ।
 शृ॒त॒ङ्कृ॒त्याथ॑ । शृ॒त॒ङ्कृ॒त्येति॑ शृ॒तम् - कृ॒त्य । अ॒थान्य॑त्र ।
 अ॒न्यत्रा॑व॒भृथ॑म् । अ॒व॒भृथ॑म॒वैति॑ । अ॒व॒भृथ॑मि॒त्यव॑ - भृ॒थम् ।
 अ॒वैत्या॑यु॒र्दाः॑ । अ॒वैती॑त्यव - ए॒ति । आ॒यु॒र्दा अ॒ग्ने ।
 आ॒यु॒र्दा इ॒त्यायुः॑ - दाः । अ॒ग्ने ह॒विषः॑ । ह॒विषो॑ जु॒षाणः॑ ।
 जु॒षाण॑ इति । इ॒त्यव॑भृ॒थम् । अ॒व॒भृथ॑म॒वैष्य॑न् ।
 अ॒व॒भृथ॑मि॒त्यव॑ - भृ॒थम् । अ॒वैष्य॑न् जु॒हुया॑त् ।
 अ॒वैष्य॑न्नि॒त्यव॑ - ए॒ष्यन् । जु॒हुया॑दाहु॒त्या । आ॒हु॒त्यैव॑ ।
 आ॒हु॒त्येत्या॑-हु॒त्या । ए॒वैनौ॑ ॥ ए॒नौ श॑म॒यति॑ । श॒म॒यति॑ न । ना॒र्तिम् ॥
 आ॒र्ति॒मा । आ॒र्च्छ॑ति । ऋ॒च्छ॑ति॒ यज॑मानः । य॒ज॒मा॒नो यत् ।
 यत् कु॑सी॒दम् । कु॑सी॒दम॑प्र॒तीत्त॑म् । 22 (50/61)

T.S.3.3.8.2 - Kramam

अ॒प्र॒ती॒त्त॑म् म॒यि । अ॒प्र॒ती॒त्त॑मि॒त्यप्र॑ति - इ॒त्त॑म् । म॒यि ये॑न ।
 ये॑न॒ य॒मस्य॑ । य॒मस्य॑ ब॒लिना॑ ॥ ब॒लिना॑ च॒रामि॑ । च॒रामी॑ति॒ च॒रामि॑ ॥
 इ॒हैव॑ । ए॒व स॑न् । स॒न्निर॑व॒दये॑ । नि॒रव॑द॒ये तत् ।

नि॒र॒व॒द॒य॒ इति॑ निः - अ॒व॒द॒ये । त॒दे॒त॒त् । ए॒त॒त् त॒त् । त॒द॒ग्ने॑ ।
 अ॒ग्ने॑ अ॒नृ॒णः । अ॒नृ॒णो॑ भ॒वामि॑ । भ॒वामी॑ति॒ भवामि॑ ॥ वि॒श्व॒लो॒प
 वि॒श्व॒दा॒व॒स्य॑ । वि॒श्व॒लो॒पे॒ति॒ वि॒श्व - लो॒प । वि॒श्व॒दा॒व॒स्य॑ त्वा ।
 वि॒श्व॒दा॒व॒स्ये॒ति॒ वि॒श्व - दा॒व॒स्य॑ । त्वा ऽऽस॒न् । आ॒स॒न् जु॒होमि॑ ।
 जु॒हो॒म्य॒ग्धा॑त् । अ॒ग्धा॑दे॒कः । अ॒ग्धा॑दि॒त्य॒ग्ध - अ॒त् । ए॒को ऽहु॒ता॑त् ।
 अ॒हु॒ता॑दे॒कः । अ॒हु॒ता॑दि॒त्य॒हु॒त - अ॒त् । ए॒कः॑ स॒म॒स॒ना॒त् ।
 स॒म॒स॒ना॑दे॒कः । स॒म॒स॒ना॑दि॒ति॒ स॒म॒स॒न - अ॒त् । ए॒क इ॒त्ये॒कः ॥
 ते॒ नः॑ । नः॑ कृ॒ण्व॒न्तु॑ । कृ॒ण्व॒न्तु॑ भे॒ष॒ज॒म् । भे॒ष॒ज॒ञ् सदः॑ ।
 स॒दः॑ स॒हः॑ । स॒हो॑ व॒रे॒ण्य॒म् । व॒रे॒ण्य॒मि॒ति॒ व॒रे॒ण्य॒म् ॥ अ॒य॒म् नः॑ ।
 नो॑ न॒भ॒सा॑ । न॒भ॒सा॑ पु॒रः॑ । पु॒रः॑ स॒ञ्स्फा॑नः । स॒ञ्स्फा॑नो॒ अ॒भि ।
 स॒ञ्स्फा॑न इति॑ स॒म् - स्फा॑नः । अ॒भि र॒क्ष॒तु॑ । र॒क्ष॒त्विति॑ र॒क्ष॒तु॑ ॥
 गृ॒हा॒णा॒म॒स॒म॒र्त्यै॑ । अ॒स॒म॒र्त्यै॑ ब॒हवः॑ । अ॒स॒म॒र्त्या॑ इ॒त्य॒स॒म् - ऋ॒त्यै॑ ।
 ब॒हवो॑ नः॑ । नो॑ गृ॒हाः॑ । गृ॒हा॑ अ॒स॒न् । अ॒स॒न्नित्य॑स॒न् ॥ स॒ त्व॒म् ।
 त्व॒म् नः॑ । नो॑ न॒भ॒सः॑ । 23 (50/59)

T.S.3.3.8.3 - Kramam

नभसस्पते । पत ऊर्जम् । ऊर्जम् नः । नो धेहि । धेहि भद्रया ॥
 भद्रयेति भद्रया ॥ पुनर् नः । नो नष्टम् । नष्टमा । आ कृधि । कृधि
 पुनः । पुनर् नः । नो रयिम् । रयिमा । आ कृधि । कृधीति कृधि ॥
 देव स॒स्फान । स॒स्फान सहस्रपोषस्य । स॒स्फानेति
 सम् - स्फान । सहस्रपोषस्येशिषे । सहस्रपोषस्येति
 सहस्र-पोषस्य । ईशिषे सः । स नः । नो रास्व । रास्वाज्यानिम् ।
 अज्यानि॒ रायः । रायस्पोषम् । पोष॒ सुवीर्यम् । सुवीर्य॒
 सम्व॑त्सरीणाम् । सुवीर्यमिति सु - वीर्यम् । सम्व॑त्सरीणा॒
 स्वस्तिम् । सम्व॑त्सरीणामिति सम् - वत्सरीणाम् । स्वस्तिमिति
 स्वस्तिम् ॥ अग्निर् वाव । वाव यमः । यम इयम् । इयं यमी ।
 यमी कुसीदम् । कुसीदं वै । वा एतत् । एतद् यमस्य । यमस्य
 यजमानः । यजमान आ । आ दत्ते । दत्ते यत् । यदोषधीभिः ।
 ओषधीभिर् वेदिम् । ओषधीभिरित्योषधि - भिः । वेदि॒ स्तृणाति ।
 स्तृणाति यत् । यदनुपौष्य । अनुपौष्य प्रयायात् ।
 अनुपौष्येत्यनुप - ओष्य । प्रयायाद् ग्रीवबद्धम् ।

प्र॒या॒या॒दि॒ति॒ प्र - या॒यात् । ग्री॒व॒ब॒द्ध॒मे॒नम् ।

ग्री॒व॒ब॒द्ध॒मि॒ति॒ ग्री॒व - ब॒द्धम् । ए॒न॒म॒मु॒ष्मि॒न् । 24 (50/58)

T.S.3.3.8.4 - Kramam

अ॒मु॒ष्मि॒न् लो॒के । लो॒के ने॒नी॒ये॒रन् । ने॒नी॒ये॒रन् यत् । यत् कु॒सी॒दम् ।

कु॒सी॒द॒म॒प्र॒ती॒त्तम् । अ॒प्र॒ती॒त्त॒म॒मि॒ति॒ । अ॒प्र॒ती॒त्त॒मि॒त्य॒प्र॒ति - इ॒त्तम् ।

म॒यी॒ति॒ । इ॒त्यु॒प । उ॒पौ॒ष॒ति॒ । ओ॒ष॒ती॒ह । इ॒है॒व । ए॒व स॒न् ।

स॒न् य॒मम् । य॒मम् कु॒सी॒दम् । कु॒सी॒दम् नि॒र॒व॒दा॒य । नि॒र॒व॒दा॒या॒नृ॒णः ।

नि॒र॒व॒दा॒ये॒ति॒ निः - अ॒व॒दा॒य । अ॒नृ॒णः सु॒व॒र्ग॒म् । सु॒व॒र्गं लो॒क॒म् ।

सु॒व॒र्ग॒मि॒ति॒ सु॒वः - ग॒म् । लो॒क॒मे॒ति॒ । ए॒ति॒ य॒दि॒ । य॒दि॒ मि॒श्र॒म् ।

मि॒श्र॒मि॒व । इ॒व च॒रेत् । च॒रे॒द॒ञ्ज॒लि॒ना॑ । अ॒ञ्ज॒लि॒ना॑ स॒कू॒न् ।

स॒कू॒न् प्र॒दा॒व्ये॑ । प्र॒दा॒व्ये॑ जु॒हु॒यात् । प्र॒दा॒व्य इ॒ति॒ प्र - दा॒व्ये॑ ।

जु॒हु॒या॒दे॒षः । ए॒ष वै । वा अ॒ग्निः॑ । अ॒ग्नि॒र् वै॒श्वान॑रः । वै॒श्वान॑रो यत् ।

यत् प्र॒दा॒व्यः॑ । प्र॒दा॒व्यः॑ सः । प्र॒दा॒व्य इ॒ति॒ प्र - दा॒व्यः॑ । स ए॒व ।

ए॒वै॒नम् । ए॒नञ् स्व॒द॒य॒ति॒ । स्व॒द॒य॒त्य॒हाम्॑ । अ॒ह्नां॑ वि॒धा॒न्या॑म् ।

वि॒धा॒न्या॑मे॒का॒ष्ट॒का॒या॑म् । वि॒धा॒न्या॑मि॒ति॒ वि - धा॒न्या॑म् ।

ए॒का॒ष्ट॒का॒या॑म॒पूप॑म् । ए॒का॒ष्ट॒का॒या॑मि॒त्ये॒क - अ॒ष्ट॒का॒या॑म् ।

अ॒पूप॑म् चतु॒श्शरा॑वम् । चतु॒श्शरा॑वम् प॒क्त्वा । चतु॒श्शरा॑वमि॒ति
चतुः - श॒रा॒वम् । प॒क्त्वा प्रा॒तः । प्रा॒तरे॑तेन । ए॒तेन॑ कक्ष॒म् ।
कक्ष॑मुप । उपौ॑षेत् । ओ॒षेद् यदि॑ । यदि॑ द॒हति॑ । 25 (50/58)

T.S.3.3.8.5 - Kramam

द॒हति॑ पु॒ण्यस॑मम् । पु॒ण्यस॑मम् भ॒वति॑ । पु॒ण्यस॑ममि॒ति
पु॒ण्य-स॑मम् । भ॒वति॑ यदि॑ । यदि॑ न । न द॒हति॑ । द॒हति॑ पा॒पस॑मम् ।
पा॒पस॑ममे॒तेन॑ । पा॒पस॑ममि॒ति पा॒प - स॑मम् । ए॒तेन॑ ह । ह स्म॑ ।
स्म वै । वा ऋ॑षयः । ऋ॑षयः पु॒रा । पु॒रा वि॒ज्ञाने॑न । वि॒ज्ञाने॑न
दी॒र्घस॑त्रम् । वि॒ज्ञाने॑नेति॒ वि - ज्ञाने॑न । दी॒र्घस॑त्रमुप । दी॒र्घस॑त्रमि॒ति
दी॒र्घ - स॑त्रम् । उप॑ यन्ति । यन्ति॑ यः । यो वै । वा उप॑द्र॒ष्टार॑म् ।
उप॑द्र॒ष्टार॑मुप॒श्रोता॑रम् । उप॑द्र॒ष्टार॑मित्युप - द्र॒ष्टार॑म् ।
उप॑श्रो॒ता॒रम॑नु॒ख्याता॑रम् । उप॑श्रो॒ता॒रमित्युप - श्रो॒ता॒रम् । अनु॑ख्याता॒रं
वि॒द्वान् । अनु॑ख्याता॒रमित्यनु॑ - ख्याता॑रम् । वि॒द्वान् यज॑ते ।
यज॑ते स॒म् । स॒ममु॑ष्मिन् । अ॒मुष्मिन् लो॑के । लो॒क इ॑ष्टापूर्तेन ।
इ॒ष्टापूर्ते॑न गच्छते । इ॒ष्टापूर्ते॑नेतीष्ट - पूर्ते॑न । गच्छ॑ते ऽग्निः ।

अ॒ग्नि॒र् वै । वा॑ उ॒प॒द्र॒ष्टा । उ॒प॒द्र॒ष्टा वा॒युः । उ॒प॒द्र॒ष्टे॒त्युप॑ - द्र॒ष्टा ।
वा॒यु॒रु॒प॒श्रो॒ता । उ॒प॒श्रो॒ता ऽऽदि॒त्यः । उ॒प॒श्रो॒ते॒त्युप॑ - श्रो॒ता ।
आ॒दि॒त्यो ऽनु॒ख्या॒ता । अ॒नु॒ख्या॒ता तान् । अ॒नु॒ख्या॒ते॒त्यनु॑ - ख्या॒ता ।
तान्. यः । य ए॒वम् । ए॒वं वि॒द्वान् । वि॒द्वान्. यज॑ते । यज॑ते॒ सम् ।
स॒म॒मु॒ष्मिन् । अ॒मु॒ष्मिन् लो॒के । लो॒क इ॒ष्टा॒पूर्ते॑न ।
इ॒ष्टा॒पूर्ते॑न गच्छ॑ते । इ॒ष्टा॒पूर्ते॑नेती॒ष्ट - पूर्ते॑न । गच्छ॑ते ऽयम् ।
अ॒यम् नः॑ । नो॑ नभ॒सा । नभ॒सा पु॒रः । पु॒र इति॑ । 26 (50/62)

T.S.3.3.8.6 - Kramam

इ॒त्याह॑ । आ॒हा॒ग्निः॑ । अ॒ग्नि॒र् वै । वै नभ॑सा । नभ॑सा पु॒रः ।
पु॒रो ऽग्नि॑म् । अ॒ग्नि॒मे॒व । ए॒व तत् । तदा॑ह । आ॒है॒तत् । ए॒तन् मे॑ ।
मे गो॒पाय॑ । गो॒पा॒येति॑ । इति॑ सः । स त्व॑म् । त्व॑म् नः । नो॑ नभ॒सः ।
नभ॑स॒स्पते॑ । प॒त इति॑ । इ॒त्याह॑ । आ॒ह वा॒युः । वा॒युर् वै ।
वै नभ॑सः । नभ॑स॒स्पतिः॑ । प॒तिर् वा॒युम् । वा॒यु॒मे॒व । ए॒व तत् ।
तदा॑ह । आ॒है॒तत् । ए॒तन् मे॑ । मे गो॒पाय॑ । गो॒पा॒येति॑ । इति॑ दे॒व ।
दे॒व स॒स्फान॑ । स॒स्फाने॑ति । स॒स्फाने॑ति॒ सम् - स्फान॑ ।
इ॒त्याह॑ । आ॒हा॒सौ । अ॒सौ वै । वा॑ आ॒दि॒त्यः । आ॒दि॒त्यो दे॒वः ।

देवः स॒स्फानः॑ । स॒स्फान॑ आ॒दित्य॑म् । स॒स्फान॑
 इति॑ सं - स्फानः॑ । आ॒दित्य॑मेव । ए॒व तत् । तदा॑ह । आ॒हैतत् ।
 ए॒तन् मे॑ ॥ मे गो॒पाय॑ । गो॒पाये॑ति () । इती॑तीति ॥ 27 (50/52)
 (कु॒सीदं॑ - त्वं न॑ - ए॒न - मो॒षेद्यदि॑ - पु॒र - आ॒दित्य॑मेव
 तदा॑हैतन्मे गो॒पाये॑ति) (A8)

T.S.3.3.9.1 - Kramam

ए॒तं यु॑वानम् । यु॒वानम् परि॑ । परि॑ वः । वो द॒दामि॑ । द॒दामि॑ तेन॑ ।
 तेन॑ क्रीड॑न्तीः । क्रीड॑न्ती श्र॒रत॑ । च॒रत॑ प्रि॒येण॑ । प्रि॒येणो॑ति प्रि॒येण॑ ॥
 मा नः॑ । नः॑ शा॒प्त । शा॒प्त ज॒नुषा॑ । ज॒नुषा॑ सु॒भागाः॑ ।
 सु॒भागा॑ रा॒यः । सु॒भागा॑ इति॑ सु - भा॒गाः । रा॒यस्पो॑षेण ।
 पो॑षेण॒ सम् । स॒मिषा॑ । इ॒षा म॑देम । म॒देमे॑ति म॑देम ॥ नमो॑ महि॒म्ने ।
 महि॒म्न उ॒त । उ॒त च॑क्षु॒षे । च॑क्षु॒षे ते । ते म॑रु॒ताम् । म॑रु॒ताम् पि॑तः ।
 पि॑तस्तत् । तद॒हम् । अ॒हम् गृ॑णामि । गृ॒णामी॑ति गृ॒णामि ॥
 अनु॑ म॒न्यस्व॑ । म॒न्यस्व॑ सु॒यजा॑ । सु॒यजा॑ य॒जाम॑ । सु॒यजे॑ति
 सु - य॒जा ॥ य॒जाम॑ जु॒ष्टम् । जु॒ष्टम् दे॒वाना॑म् । दे॒वाना॑मि॒दम् ।
 इ॒दम॑स्तु । अ॒स्तु ह॒व्यम् । ह॒व्यमि॑ति ह॒व्यम् ॥ दे॒वाना॑मेषः ।

ए॒ष उ॒प॒ना॒हः । उ॒प॒ना॒ह आ॒सीत् । उ॒प॒ना॒ह इ॒त्यु॒प - ना॒हः ।
 आ॒सी॒द॒पा॒म् । अ॒पा॒म् गर्भः॑ । गर्भ॑ ओ॒ष॒धी॒षु । ओ॒ष॒धी॒षु न्य॑क्तः ।
 न्य॑क्त इति॒ नि - अ॒क्तः ॥ सोम॑स्य द्र॒प्स॒म् । द्र॒प्स॒मवृ॑णीत ।

अवृ॑णीत पू॒षा । पू॒षा बृ॒हन् । 28 (50/53)

T.S.3.3.9.2 - Kramam

बृ॒हन्ना॒द्रिः । अ॒द्रि॒र॒भ॒वत् । अ॒भ॒वत् तत् । त॒देषा॑म् । ए॒षामि॒त्येषा॑म् ॥
 पि॒ता व॒थ्सा॒नाम् ॥ व॒थ्सा॒नाम् प॒तिः । प॒ति॒र॒घ्निया॑नाम् ॥ अ॒घ्निया॑नामथो ॥
 अथो॑ पि॒ता । अथो॑ इ॒त्यथो॑ ॥ पि॒ता म॒हता॑म् । म॒हता॑म् गर्ग॒राणा॑म् ।
 गर्ग॒राणा॑मिति॒ गर्ग॒राणा॑म् ॥ व॒थ्सो ज॒रायु॑ । ज॒रायु॑ प्र॒तिधु॑क् । प्र॒तिधु॑क्
 पी॒यूषः॑ । प्र॒तिधु॑गिति॒ प्रति॑ - धु॑क् । पी॒यूष आ॒मिक्षा॑ ॥ आ॒मिक्षा॑ मस्तु ।
 मस्तु॑ घृ॒तम् । घृ॒तम॑स्य । अ॒स्य रे॒तः । रे॒त इति॑ रे॒तः ॥ त्वा॒म् गा॒वः ।
 गा॒वो ऽवृ॑णत । अ॒वृ॑णत॒ राज्या॑य । राज्या॑य॒ त्वा॒म् । त्वा॒ं ह॒वन्त॑ ।
 ह॒वन्त॑ म॒रुतः॑ । म॒रुतः॑ स्व॒र्काः । स्व॒र्का इति॑ सु - अ॒र्काः ॥
 वर्ष्म॑न् क्ष॒त्रस्य॑ । क्ष॒त्रस्य॑ क॒कुभि॑ । क॒कुभि॑ शि॒श्रिया॑णः । शि॒श्रिया॑ण
 स्त॒तः । ततो॑ नः । न उ॒ग्रः । उ॒ग्रो वि॑ । वि भ॒ज । भ॒जा व॒सूनि॑ ।
 व॒सूनी॑ति॒ व॒सूनि॑ ॥ व्यृ॒द्धेन॑ वै । व्यृ॒द्धेने॑ति॒ वि - ऋ॒द्धेन॑ । वा ए॒षः ।

तृतीय काण्डे - तृतीय प्रश्नः - (TS 3.3)

ए॒ष प॒शुना॑ । प॒शुना॑ यज॒ते । यज॒ते यस्य॑ । यस्यै॒तानि॑ । ए॒तानि॑ न ।
 न क्रि॒यन्ते॑ । क्रि॒यन्त ए॒षः () । ए॒ष ह॑ । ह॒ तु । त्वै॑ । वै समृ॒द्धेन॑ ।
 समृ॒द्धेन॑ यज॒ते । समृ॒द्धेनेति॑ सम् - ऋद्धेन॑ । यज॒ते यस्य॑ ।
 यस्यै॒तानि॑ । ए॒तानि॑ क्रि॒यन्ते॑ । क्रि॒यन्त इति॑ क्रि॒यन्ते॑ ॥ 29 (58/62)

(पू॒षा - क्रि॒यन्त ए॒षो - ऽथौ॑ च) (A9)

T.S.3.3.10.1 - Kramam

सू॒र्यो दे॒वः । दे॒वो दि॒विष॑द्भ्यः । दि॒विष॑द्भ्यो धा॒ता ।
 दि॒विष॑द्भ्य इति॑ दि॒विष॑त् - भ्यः । धा॒ता क्ष॒त्राय॑ । क्ष॒त्राय॑ वा॒युः ।
 वा॒युः प्र॒जाभ्यः॑ । प्र॒जाभ्य॑ इति॑ प्र - जा॒भ्यः । बृ॒हस्प॑तिस्त्वा ।
 त्वा प्र॒जाप॑तये । प्र॒जाप॑तये॒ ज्योति॑ष्मतीम् । प्र॒जाप॑तय इति॑
 प्र॒जा - प॑तये । ज्योति॑ष्मतीम् जुहोतु । जु॒होत्विति॑ जुहोतु ॥
 यस्या॑स्ते । ते हरि॑तः । हरि॑तो गर्भः । गर्भो॑ ऽथो॑ । अथो॑ योनिः ।
 अथो॑ इत्यथो॑ । योनि॑र् हिर॒ण्ययी॑ । हिर॒ण्ययी॑ति॒ हिर॒ण्ययी॑ ॥
 अङ्गान्य॑हुता । अहु॑ता यस्यै॑ । यस्यै॑ ताम् । ताम् दे॒वैः । दे॒वैः सम् ।
 सम॑जीगमम् । अ॒जीग॑ममित्यजीगमम् ॥ आ वर्त॑न । वर्त॑न वर्त॑य ।
 वर्त॑य नि । नि निव॑र्तन । निव॑र्तन वर्त॑य । निव॑र्तनेति॑ नि - वर्त॑न ।

व॒र्तये॑न्द्र । इ॒न्द्र न॑र्दबुद । न॒र्दबु॑देति न॒र्दबु॑द ॥ भूम्या॑ श्र॒तस्रः॑ ।
च॒तस्रः॑ प्र॒दिशः॑ । प्र॒दिश॑स्ताभिः । प्र॒दिश॑ इति प्र - दि॒शः ।
ताभि॑रा । आ॒ वर्त॑य । व॒र्तया॑ पु॒नः । पु॒नरि॑ति पु॒नः ॥ वि॑ ते ॥
ते भि॑नद्भि । भि॑नद्भि त॒करी॑म् । त॒करीं॑ वि॑ । वि॒ योनि॑म् । योनिं॑ वि॑ ।
वि॒ गवी॑न्यौ ॥ ग॒वीन्या॑विति ग॒वीन्यौ॑ । वि॒ मा॒तरं॑ ॥ 30 (50/55)

T.S.3.3.10.2 - Kramam

मा॒तरम्॑ च । च॒ पु॒त्रम् । पु॒त्रम्॑ च । च॒ वि॑ । वि॒ गर्भ॑म् । गर्भ॑म् च ।
च॒ ज॒रायु॑ । ज॒रायु॑ च । चे॒ति च॑ ॥ ब॒हिस्ते॑ । ते॒ अ॒स्तु । अ॒स्तु॑ बाल् ।
बा॒लि॒ति॑ । इ॒तीती॑ति ॥ उ॒रु॒द्र॒प्सो॑ वि॒श्वरू॑पः । उ॒रु॒द्र॒प्स
इ॒त्यु॒रु - द्र॒प्सः॑ । वि॒श्वरू॑प इ॒न्दुः । वि॒श्वरू॑प इति वि॒श्व - रू॑पः ।
इ॒न्दुः॑ प॒वमा॑नः । प॒वमा॑नो धी॒रः । धी॒र आ॑नञ्ज । आ॒नञ्ज॑ गर्भ॑म् ।
ग॒र्भमि॑ति गर्भ॑म् ॥ ए॒कप॑दी द्वि॒पदी॑ । ए॒कप॑दीत्ये॒क - प॑दी ।
द्वि॒पदी॑ त्रि॒पदी॑ । द्वि॒पदी॑ति द्वि - प॑दी । त्रि॒पदी॑ च॒तुष्प॑दी । त्रि॒पदी॑ति
त्रि - प॑दी । च॒तुष्प॑दी पञ्च॑पदी । च॒तुष्प॑दीति च॒तुः - प॑दी ।
पञ्च॑पदी षट्प॑दी । पञ्च॑पदीति पञ्च - प॑दी । षट्प॑दी सप्त॑पदी ।
षट्प॑दीति षट् - प॑दी । सप्त॑पद्यष्टा॑पदी । सप्त॑पदीति सप्त - प॑दी ।

तृतीय काण्डे - तृतीय प्रश्नः - (TS 3.3)

अ॒ष्टा॒पदी॑ भुव॒ना । अ॒ष्टा॒पदी॑त्य॒ष्टा-प॒दी । भुव॒ना ऽनु॑ । अनु॑ प्रथ॒ताम् ।
 प्रथ॒ता॒ स्वाहा॑ ॥ स्वाहे॒ति स्वाहा॑ ॥ म॒ही द्यौः॑ । द्यौः पृथि॒वी ।
 पृथि॒वी च॑ । च नः॑ । न इ॒मम् । इ॒मं य॒ज्ञम् । य॒ज्ञम् मि॒मिक्ष॑ताम् ।
 मि॒मिक्ष॑तामि॒ति मि॒मिक्ष॑ताम् ॥ पि॒पृता॑म् नः । नो॒ भरी॑मभिः ।
 भरी॑मभिरि॒ति भरी॑म - भिः ॥ 31 (44/54)

(गवि॒न्यौ वि - चतु॑श्च॒त्वारि॑श्च) (A10)

T.S.3.3.11.1 - Kramam

इ॒दं वा॑म् । वा॒मास्ये॑ । आ॒स्ये ह॒विः । ह॒विः प्रि॒यम् ।
 प्रि॒यमि॑न्द्रा॒बृह॑स्पती । इ॒न्द्रा॒बृह॑स्पती इ॒तीन्द्रा॑ - बृ॒हस्प॑ती । उ॒क्थ॑म्
 म॒दः । म॒दश्च॑ । च श॒स्य॑ते । श॒स्य॑त इति श॒स्य॑ते ॥ अ॒यं वा॑म् ।
 वा॒म् परि॑ । परि॒षिच्य॑ते । सि॒च्य॑ते सोमः । सोम॑ इ॒न्द्रा॒बृह॑स्पती ।
 इ॒न्द्रा॒बृह॑स्पती इ॒तीन्द्रा॑ - बृ॒हस्प॑ती ॥ चा॒रुर् म॑दाय । म॑दाय पी॒तयै॑ ॥
 पी॒तय॑ इति पी॒तयै॑ ॥ अ॒स्मे इ॒न्द्रा॒बृह॑स्पती । अ॒स्मे इ॒त्यस्मे॑ ।
 इ॒न्द्रा॒बृह॑स्पती र॒यिम् । इ॒न्द्रा॒बृह॑स्पती इ॒तीन्द्रा॑ - बृ॒हस्प॑ती ।
 र॒यिम् ध॑त्तम् । ध॒त्तश्च॑ श॒तग्वि॑नम् । श॒तग्वि॑नमि॒ति श॒त - ग्वि॑नम् ॥
 अ॒श्वाव॑न्तश्च॒ सह॑स्रि॒णम् । अ॒श्वाव॑न्तमि॒त्यश्वा॑ - व॒न्तम् ।

तैत्तिरीय संहिता क्रम पाठे (TS 3.3)

स॒ह॒स्रि॒णमि॒ति॑ स॒ह॒स्रि॒णम् ॥ बृ॒ह॒स्पति॑र् नः । नः॒ परि॑ । परि॑ पातु ।
पातु॑ प॒श्चात् । प॒श्चादु॑त् । उ॒तोत्तर॑स्मात् । उत्तर॑स्माद॒धरात् ।
उत्तर॑स्मादित्युत् - तर॑स्मात् । अध॑राद॒घायोः॑ । अ॒घायो॑रित्य॒घ-योः॑ ॥
इन्द्रः॑ पु॒रस्तात् । पु॒रस्तादु॑त् । उ॒त म॑द्ध्यतः । म॒द्ध्यतो॑ नः ।
नः॒ सखा॑ । सखा॑ स॒खिभ्यः॑ । स॒खिभ्यो॑ वरि॒वः । स॒खिभ्य॑ इति॒
स॒खि - भ्यः॑ । वरि॑वः कृ॒णोतु॑ । कृ॒णोत्विति॑ कृ॒णोतु॑ ॥ वि॒ ते ॥
ते वि॒ष्वक् । वि॒ष्वग् वा॑तजू॒तासः॑ । वा॑तजू॒तासो॑ अग्ने ।
वा॑तजू॒तास॑ इति॒ वा॒त - जू॒तासः॑ । अग्ने॑ भा॒मासः॑ ।
भा॒मासः॑ शु॒चे । 32 (50/56)

T.S.3.3.11.2 - Kramam

शु॒चे शु॒चयः॑ । शु॒चय॑ श्र॒न्ति । च॒रन्ती॑ति॒ चर॑न्ति ॥ तु॒वि॒म्र॒क्षासो॑
दि॒व्याः । तु॒वि॒म्र॒क्षास॑ इति॒ तु॒वि - म्र॒क्षासः॑ । दि॒व्या न॑वग्वाः ।
न॑वग्वा॒ वना॑ । वना॑ व॒नन्ति॑ । व॒नन्ति॑ धृ॒षता॑ । धृ॒षता॑ रु॒जन्तः॑ ।
रु॒जन्त॑ इति॒ रु॒जन्तः॑ ॥ त्वा॑मग्ने । अग्ने॑ मा॒नुषीः॑ । मा॒नुषी॑रीडते ।
ई॒डते॑ वि॒शः । वि॒शो हो॒त्रावि॑दम् ॥ हो॒त्रावि॑दं वि॒विचि॑म् ।
हो॒त्रावि॑दमि॒ति हो॒त्रा - वि॑दम् । वि॒विचि॑ र॒त्नधा॑तमम् ॥

तृतीय काण्डे - तृतीय प्रश्नः - (TS 3.3)

वि॒वि॒चि॒मि॒ति॒ वि - वि॒चि॒म् । र॒त्न॒धा॒त॒म॒मि॒ति॒ रत्न - धा॒त॒म॒म् ॥
 गु॒हा॒ स॒न्त॒म् । स॒न्त॒ञ् सु॒भ॒ग॒ । सु॒भ॒ग॒ वि॒श्व॒दर्॒श॒त॒म् । सु॒भ॒गे॒ति॒
 सु - भ॒ग॒ । वि॒श्व॒दर्॒श॒त॒म् तु॒वि॒ष्म॒ण॒स॒म् । वि॒श्व॒दर्॒श॒त॒मि॒ति॒
 वि॒श्व - दर्॒श॒त॒म् । तु॒वि॒ष्म॒ण॒स॒ञ् सु॒य॒ज॒म् । सु॒य॒ज॒म् घृ॒त॒श्रि॒य॒म् ।
 सु॒य॒ज॒मि॒ति॒ सु - य॒ज॒म् । घृ॒त॒श्रि॒य॒मि॒ति॒ घृ॒त - श्रि॒य॒म् ॥
 धा॒ता॒ द॒दा॒तु॒ । द॒दा॒तु॒ नः॒ । नो॒ र॒यि॒म् । र॒यि॒मी॒शानः॑ । ई॒शानो॑ ज॒गतः॑ ।
 ज॒गत॑स्पतिः॑ । प॒ति॒रि॒ति॒ प॒तिः ॥ स॒ नः॑ । नः॑ पू॒र्णे॒न॑ । पू॒र्णे॒न॑
 वा॒व॒न॒त् । वा॒व॒न॒दि॒ति॒ वा॒व॒न॒त् ॥ धा॒ता॒ प्र॒जा॒याः॑ । प्र॒जा॒या॒ उ॒त॒ ।
 प्र॒जा॒या॒ इ॒ति॒ प्र - जा॒याः॑ । उ॒त॒ रा॒यः॑ । रा॒य॒ ई॒शे॑ । ई॒शे॑ धा॒ता॒ ।
 धा॒ते॒द॒म् । इ॒दं॑ वि॒श्व॒म् । वि॒श्व॒म् भु॒व॒न॒म् । भु॒व॒न॒म् ज॒जा॒न॒ ।
 ज॒जा॒ने॒ति॒ ज॒जा॒न॒ ॥ धा॒ता॒ पु॒त्र॒म् । पु॒त्रं॑ य॒ज॒मा॒नाय॑ ।
 य॒ज॒मा॒नाय॑ दा॒ता॒ । दा॒ता॒ त॒स्मै॑ ॥ 33 (50/57)

T.S.3.3.11.3 - Kramam

त॒स्मा॒ उ॒ । उ॒ ह॒व्य॒म् । ह॒व्य॒म् घृ॒त॒व॒त् । घृ॒त॒व॒द् वि॒धे॒म॒ । घृ॒त॒व॒दि॒ति॒
 घृ॒त-व॒त् । वि॒धे॒मे॒ति॒ वि॒धे॒म॒ ॥ धा॒ता॒ द॒दा॒तु॒ । द॒दा॒तु॒ नः॑ । नो॒ र॒यि॒म् ।
 र॒यि॒म् प्रा॒ची॒म् । प्रा॒ची॒म् जी॒वा॒तु॒म् । जी॒वा॒तु॒म॒क्षि॒ता॒म् ।

अ॒क्षि॒ता॒मि॒त्य॒क्षि॒ता॒म् ॥ व॒य॒म् दे॒व॒स्य॑ । दे॒व॒स्य॑ धी॒महि॑ ।
 धी॒महि॑ सु॒म॒ति॒म् । सु॒म॒ति॒ꣳ स॒त्य॒रा॒ध॒सः॑ । सु॒म॒ति॒मि॒ति॑ सु॒-म॒ति॒म् ।
 स॒त्य॒रा॒ध॒स इति॑ स॒त्य - रा॒ध॒सः॑ ॥ धा॒ता द॑दा॒तु । द॑दा॒तु दा॒शु॒षे॑ ॥
 दा॒शु॒षे व॑सू॒नि । व॑सू॒नि प्र॒जा॒का॒मा॒य । प्र॒जा॒का॒मा॒य मी॒ढु॒षे॑ ॥
 प्र॒जा॒का॒मा॒येति॑ प्र॒जा - का॒मा॒य । मी॒ढु॒षे दु॒रो॒णे । दु॒रो॒ण इति॑
 दुः - ओ॒ने ॥ तस्मै॑ दे॒वाः । दे॒वा अ॒मृ॒ताः॑ ॥ अ॒मृ॒ताः स॒म् ।
 सं व्य॑य॒न्ता॒म् । व्य॒य॒न्तां विश्वे॑ ॥ विश्वे॑ दे॒वा॒सः । दे॒वा॒सो अ॒दि॒तिः॑ ।
 अ॒दि॒तिः स॒जो॒षाः॑ ॥ स॒जो॒षा इति॑ स - जो॒षाः॑ ॥ अ॒नु नः॑ ।
 नो ऽद्य॑ । अ॒द्या॒नु॒म॒तिः॑ । अ॒नु॒म॒ति॒र् य॒ज्ञ॒म् । अ॒नु॒म॒ति॒रि॒त्य॒नु - म॒तिः॑ ।
 य॒ज्ञ॒म् दे॒वेषु॑ । दे॒वेषु॑ म॒न्य॒ता॒म् । म॒न्य॒ता॒मि॒ति॑ म॒न्य॒ता॒म् ॥ अ॒ग्नि॒श्च॑ ।
 च ह॒व्य॒वा॒ह॒नः॑ । ह॒व्य॒वा॒ह॒नो भ॑व॒ता॒म् । ह॒व्य॒वा॒ह॒न इति॑
 ह॒व्य - वा॒ह॒नः॑ । भ॑व॒ता॒म् दा॒शु॒षे॑ ॥ दा॒शु॒षे म॑यः । म॒य इति॑ म॒यः॑ ॥
 अ॒न्वि॒त् । इ॒द॒नु॒म॒ते॑ । अ॒नु॒म॒ते॑ त्व॒म् । अ॒नु॒म॒त इत्य॑नु - म॒ते॑ ।
 त्व॒म् म॒न्या॑सै । 34 (50/56)

T.S.3.3.11.4 - Kramam

म॒न्या॒सै॒ श॒म् । श॒म् च॒ । च॒ नः॒ । नः॒ कृ॒धि॒ । कृ॒धी॒ति॒ कृ॒धि॒ ॥
 क्र॒त्वे॒ दक्षाय॑ । दक्षाय॑ नः॒ । नो॒ हि॒नु॒ । हि॒नु॒ प्र॒ । प्र॒णः॒ । न॒ आयू॑षि॒ ।
 आयू॑षि॒ तारिषः॑ । तारिष॑ इति॒ तारिषः॑ ॥ अनु॑ म॒न्यता॑म् ।
 म॒न्यता॑म॒नुम॑न्य॒माना॑ । अनु॑म॒न्यमा॑ना प्र॒जाव॑न्तम् ।
 अनु॑म॒न्यमा॑नेत्य॒नु - म॒न्यमा॑ना । प्र॒जाव॑न्त॒ रयि॑म् । प्र॒जाव॑न्त॒मिति॑
 प्र॒जा - व॑न्तम् । रयि॑मक्षी॒यमाण॑म् । अक्षी॑यमाण॒मित्यक्षी॑यमाणम् ॥
 तस्यै॑ व॒यम् । व॒यं हे॑डसि॒ । हे॑डसि॒ मा॒ । मा॒ ऽपि॑ । अपि॑ भूम॒ ।
 भूम॑ सा॒ । सा॒ नः॒ । नो॒ दे॒वी॒ । दे॒वी॒ सु॒हवा॑ ॥ सु॒हवा॑ शर्म॒ । सु॒हवे॑ति॒
 सु॒ - हवा॑ ॥ शर्म॑ यच्छतु॒ । यच्छ॑त्विति॒ यच्छतु॑ ॥ यस्या॑मि॒दम् ।
 इ॒दम् प्र॒दिशि॑ । प्र॒दिशि॑ यत् । प्र॒दिशी॑ति॒ प्र - दिशि॑ । यद् वि॒रोच॑ते ।
 वि॒रोच॑ते ऽनु॒मति॑म् । वि॒रोच॑त इति॒ वि - रोच॑ते । अनु॑म॒तिम् प्र॒ति ।
 अनु॑म॒तिमि॑त्य॒नु - म॒तिम् । प्र॒ति भू॑षन्ति॒ । भू॑षन्त्या॒यवः॑ । आ॒यव॑
 इत्या॑यवः ॥ यस्या॑ उप॒स्थः॑ । उप॒स्थ॑ उरु॒ । उप॒स्थ॑ इत्युप॒ - स्थः॑ ।
 उ॒र्वन्त॑रि॒क्षम् । अ॒न्तरि॑क्ष॒ सा॒ । सा॒ नः॒ । नो॒ दे॒वी॒ । दे॒वी॒ सु॒हवा॑ ॥

सु॒ह॒वा॒ श॒र्म॑ । सु॒ह॒वे॒ति॑ सु॒ - ह॒वा॑ ॥ श॒र्म॑ य॒च्छ॒तु॑ ।

य॒च्छ॒त्वि॒ति॑ य॒च्छ॒तु॑ ॥ 35 (50/58)

T.S.3.3.11.5 - Kramam

रा॒का॒म॒ह॒म् । अ॒ह॒ꣳ सु॒ह॒वा॒म् । सु॒ह॒वा॒ꣳ सु॒ष्टु॒ती॑ । सु॒ह॒वा॒मि॒ति॑
सु॒ - ह॒वा॒म् । सु॒ष्टु॒ती॑ हु॒वे॑ । सु॒ष्टु॒ती॑ति॑ सु॒ - स्तु॒ती॑ । हु॒वे॑ शृ॒णो॑तु॑ ।
शृ॒णो॑तु॑ नः॑ । नः॑ सु॒भ॒गा॑ ॥ सु॒भ॒गा॑ बो॒ध॑तु॑ । सु॒भ॒गे॒ति॑ सु॒ - भ॒गा॑ ॥
बो॒ध॑तु॑ त्म॒ना॑ ॥ त्म॒ने॒ति॑ त्म॒ना॑ ॥ सी॒व्य॒त्व॒पः॑ । अ॒पः॑ सू॒च्या॑ ।
सू॒च्या॑ ऽच्छि॒द्य॒मा॒न॒या॑ । अ॒च्छि॒द्य॒मा॒न॒या॑ द॒दा॒तु॑ । द॒दा॒तु॑ वी॒र॒म् ।
वी॒र॒ꣳ श॒त॒दा॒य॒म् । श॒त॒दा॒य॒मु॒क्थ्य॑म् ॥ श॒त॒दा॒य॒मि॒ति॑ श॒त॒ - दा॒य॒म् ।
उ॒क्थ्य॑मि॒त्यु॒क्थ्य॑म् ॥ या॒स्ते॑ ॥ ते॒ रा॒के॑ । रा॒के॑ सु॒म॒त॒यः॑ ।
सु॒म॒त॒यः॑ सु॒पे॒श॒सः॑ । सु॒म॒त॒य॑ इति॑ सु॒ - म॒त॒यः॑ । सु॒पे॒श॒सो॑ या॒भिः॑ ।
सु॒पे॒श॒स॑ इति॑ सु॒ - पे॒श॒सः॑ । या॒भिर् द॒दा॒सि॑ । द॒दा॒सि॑ दा॒शु॒षे॑ ॥
दा॒शु॒षे॑ व॒सू॒नि॑ । व॒सू॒नी॒ति॑ व॒सू॒नि॑ ॥ ता॒भिर् नः॑ । नो॒ अ॒द्य॑ ।
अ॒द्य॑ सु॒म॒नाः॑ ॥ सु॒म॒ना॑ उ॒पा॒ग॒हि॑ । सु॒म॒ना॑ इति॑ सु॒ - म॒नाः॑ ॥
उ॒पा॒ग॒हि॑ स॒ह॒स्र॒पो॒ष॒म् । उ॒पा॒ग॒ही॒त्यु॒प॒ - आ॒ग॒हि॑ । स॒ह॒स्र॒पो॒ष॒ꣳ
सु॒भ॒गे॑ । स॒ह॒स्र॒पो॒ष॒मि॒ति॑ स॒ह॒स्र॒ - पो॒ष॒म् । सु॒भ॒गे॑ र॒रा॒णा॑ ।

सु॒भ॒ग इति॑ सु - भ॒गे । र॒रा॒णेति॑ र॒रा॒णा ॥ सि॒नी॒वा॒लि या ।
या सु॒पा॒णिः । सु॒पा॒णिरिति॑ सु - पा॒णिः ॥ कु॒हू॒म॒हम् । अ॒ह॒ꣳ
सु॒भ॒गा॒म् ॥ सु॒भ॒गा॒म् वि॒द्व॒ना॒प॒स॒म् । सु॒भ॒गा॒मि॒ति सु - भ॒गा॒म् ॥
वि॒द्व॒ना॒प॒स॒म॒स्मिन् । वि॒द्व॒ना॒प॒स॒मि॒ति वि॒द्व॒न - अ॒प॒स॒म् । अ॒स्मिन् ।
य॒ज्ञे । य॒ज्ञे सु॒ह॒वा॒म् ॥ सु॒ह॒वा॒म् जो॒ह॒वी॒मि । सु॒ह॒वा॒मि॒ति सु-ह॒वा॒म् ॥
जो॒ह॒वी॒मी॒ति जो॒ह॒वी॒मि ॥ सा नः॑ । नो॒ द॒दा॒तु । द॒दा॒तु श्र॒व॒ण॒म् () ।
श्र॒व॒ण॒म् पि॒तृ॒णा॒म् । पि॒तृ॒णा॒म् त॒स्याः । त॒स्या॒स्ते । ते दे॒वि ।
दे॒वि ह॒वि॒षा । ह॒वि॒षा वि॒धे॒म । वि॒धे॒मे॒ति वि॒धे॒म ॥ कु॒हूर् दे॒वा॒ना॒म् ।
दे॒वा॒ना॒म॒मृ॒त॒स्य॑ । अ॒मृ॒त॒स्य॑ प॒त्नी । प॒त्नी ह॒व्या । ह॒व्या नः॑ ।
नो अ॒स्य॑ । अ॒स्य॑ ह॒वि॒षः । ह॒वि॒षश्चि॒के॒तु । चि॒के॒त्विति॑ चि॒के॒तु ॥
स॒म् दा॒शु॒षे ॥ दा॒शु॒षे कि॒र॒तु । कि॒र॒तु भू॒रि । भू॒रि वा॒म॒म् ।
वा॒म॒ꣳ रा॒यः । रा॒य॒स्पो॒ष॒म् । पो॒ष॒म् चि॒कि॒तु॒षे ॥ चि॒कि॒तु॒षे द॒धा॒तु ।
द॒धा॒त्विति॑ द॒धा॒तु ॥ 36 (74/87)

(भा॒मा॒सो - दा॒ता - त्व - म॒न्त॒रि॒क्षꣳ सा नो॑ दे॒वी सु॒ह॒वा शर्म॑
य॒च्छु॒तु - श्र॒व॒णं - च॒तुर्विंश॑तिश्च) (A11)

तैत्तिरीय संहिता क्रम पाठे (TS 3.3)

Prasna Korvai with starting Padams of 1 to 11 Anuvaakams :-

(अग्ने॑ तेजस्विन् - वा॒यु - र्वस॑वस्त् - वैत॑द्वा अ॒पां - वा॒युर॑सि
प्रा॒णो नाम॑ - दे॒वा वै यद्य॑ज्ञेन॒न - प्र॒जाप॑तिर् दे॒वासु॑रा - ना॒युर्दा
- ए॒तं यु॑वा॒नञ् - सूर्यो॑ दे॒व - इ॒दं वा॑ - मे॒काद॑श)

Korvai with starting Padams of 1, 11, 21 Series of Panchaatis :-

(अग्ने॑ तेजस्विन् - वा॒युर॑सि - छ॒न्दसां॑ वी॒र्यं॑ - मा॒तर॑ञ्च -
षट्त्रिं॑शत्)

First and Last Padam of Third Prasnam of Kandam 3 :-

(अग्ने॑ तेजस्विञ् - श्रि॒कितु॑षे दधातु)

॥ हरिः॑ ओं ॥

॥ इति॑ तृतीय काण्डे तृतीय प्रश्नः - क्रम पाठः समाप्तः ॥

=====

तृतीय काण्डे – तृतीय प्रश्नः – (TS 3.3)

Details of Panchati , Padam and Krama Vaakyam for Kandam 3 – Prasanam 1 – TS 3.3

	Panchati	Padams	Krama Vaakyam
Anuvakam 1	2	123	129
Anuvakam 2	2	78	97
Anuvakam 3	3	175	182
Anuvakam 4	3	153	167
Anuvakam 5	5	246	278
Anuvakam 6	3	148	174
Anuvakam 7	3	158	172
Anuvakam 8	6	300	350
Anuvakam 9	2	108	115
Anuvakam 10	2	94	109
Anuvakam 11	5	274	314
Total →	36	1857	2087